



新刊監本冊府元龜卷之三十六

帝王部

封禪第二

唐高宗即位後公卿數請封禪龍朔一年十月癸丑詔宜以四年正月有事於泰山所司詳求故實務從折衷仍以來年二月幸東都

十二月戊申詔曰海東二蕃久愆職貢近者命師薄伐軍務事殷緣河州縣勞於征役比雖多有蠲免庶事優矜萬邦供會恐致煩擾勞逸二途理無兼遂介丘大禮及幸都並宜且停

麟德元年七月丁未朔詔宜以三年正月式遵故實有事於岱宗所司詳求茂典以從折衷其諸州都督刺史以二年十二月

便集嶽下諸王十月集 東都緣邊州府襟要之處不在集限
天下諸州明揚才彥或銷聲幽數或藏器下僚並隨嶽牧奉送
九月乙丑詔曰來年行幸岱宗州縣不得浪有煩擾其水淺可
涉不可繕造橋梁所行之處亦或開道路諸州及寺觀并百姓
不得輒獻食

二年十月丁丑帝發東都赴東嶽從駕文武兵士及儀仗法物
相繼數百里列營置幕彌亘郊原突屈于闐波斯天竺國罽賓
烏長崑崙倭國及新羅百濟高麗等諸蕃酋長各率其屬扈從
穹廬氈帳及牛羊駝馬填咽道路是時頻歲豐稔斗米至五錢
豆麥不列於市議者以為古來帝王封禪未有若斯之盛者也
十二月丙午至齊州停十日丙辰發靈巖頓至於大嶽之下庚

申帝御行宮乃帳以朝群臣

乾封元年正月戊辰朔有事於泰山親祠昊天上帝於封祀之
壇己巳帝登於泰山封玉牒於介丘庚午降禪於社首山皇后
為亞獻越國太妃燕氏為終獻先是李勣許敬宗等議封禪儀
注請以高祖太宗二座俱配昊天上帝表曰臣聞殷薦上帝事
有明文祖宗並列抑惟通軌雖三五以降損益不同漢魏以還
沿革殊致至於帝郊嚴配之儀尊祖敬宗之典固以因心弘範
緣情作則孝思聖敬迥冠往初茂實弘規遂高終古伏惟高祖
大祖皇帝改物創業撥亂反正受終明三統之歷執兢隆七百
之基御殿垂衣稱物平施隨山靜稽天之浸援手撲燎原之灾
玄功暢於六虛聖績覃於四海巍巍蕩蕩無得而稱太宗文皇

帝鑿乾履度括地提象翦脩蛇於洞庭戮蚩尤於中冀戡召雨
追風之孽軼斷鯨練石之勤微禹之功用軫宣尼之歎曰文之
德寔符姬旦之時獻智神武含弘廣大深居高視懷日月以照
臨剛健柔明體乾坤之博厚求賢勞於宵夢拜善急於朝飡窓
宇宙以彌綸運陰陽而陶鑄變澆偽於華胥之俗還淳朴於大
庭之神九繹同文八荒順軌人神以合祥瑞畢臻巢鳳下窺遊
麟易擾山車澤馬遠服瑤池之駕醴泉甘露近克上尊之壽優
游垂拱制禮作樂遠鏡百王獨為首稱再造區下重安宸極昊
天成命二帝受之升降節文不宜差別而爾恭禋祀綴兆分位
升中告禋天地別饗乖嚴父配天之文失尊親加隆之數今歸
功中嶽請以一聖並配竊以大穆皇后造舟備禮爰定厥祥處
人倫之經居風化之始追蹤文母播美周姬文德皇后倪天作
合曾沙表慶功俾十亂化被二南兩聖既以配封則二后應須
配禋申宸思淳深之極引聖朝敬愛之旨自我作古聞之往策
周制所定夫何足云斯乃振揚休烈照宣懿範請存乎不刊永
貽未棄詔從之又皇后武氏上表曰伏以封禪舊儀祭皇天地
祇以太后昭配皆以公卿行事以妾愚誠恐未周備何則乾坤
定位剛柔之義已殊經禮載陳中外之儀斯別豈有推尊先后
而以宰臣參祭詳求至理有紊徽章妾望以展禮之日摠率六
宮內外命婦親臨奠獻以申如在之誠詔許之士申御朝覲壇
受朝賀大赦癸酉帝謂群官曰升中大禮不行未數千載近代
帝王雖稱封禪其間事有不同或為求仙克禋或以巡遊望拜

皆非尊崇祖業近在隋朝喪亂最甚老小填溝壑少壯染兵鋒
高祖發自晉陽撥亂反正先朝躬擐甲冑替成大業掃除氛祲
廓清宇區遂得四海宅心萬方仰德朕丕承寶曆十有七年終
日孜孜夙夜無怠屬國家無事天下太平華夷乂安遠近輯睦
所以躬親展禮褒贊先勳情在歸功固非為己遂得上應天心
下允人望今大禮既畢深以為慰公等休戚是同故應共有此
慶欲與公等飲饌盡歡各宜在外更衣即來相見仍勅所司撤
幄帳施御牀三品已上升壇四品已下列坐壇下縱酒設樂群
臣及諸嶽牧競來上壽起舞日晏方止戊寅詔兗州置觀寺各
發自泰山改號封祀壇為舞鶴臺介丘壇為萬歲臺降禪為為
景雲臺以祀日各有靈鶴及山呼萬歲之瑞故也

上元三年二月詔以今冬有事於嵩嶽令所司草儀注務從典
故閏二月詔以土蕃犯塞停封嶽

調露元年七月詔以今年冬至有事嵩嶽宜令禮官學士等詳
定儀注

十月庚申詔以突厥背誕其冬至於嵩山封禪宜權停

永淳二年七月庚辰詔以今年十月有事於嵩嶽宜令禮官學
士等審定儀注務展誠敬仍令天下嶽牧及京官五品已上各
舉所知有孝行儒學文武之士於是詔禮官議射牛之事太常
博士裴守真奏議曰據周禮及國語郊祀天地天子自射其牲
漢武唯封泰山令侍中儒者射牛行事至於餘祀亦無射牲之
文但親舂射牲雖是古禮久從廢牲不可復行據封禪祀禮曰

未明十五刻宰人以銚刀割牲質明而行事比銚駕至祠所宰牲惣畢天皇唯奠玉酌獻而已今若祀前一日射牲事即傷早祀日方始射牲事又傷晚若依漢故事即非親射之儀事貴隨時不可行用神功破陣樂及功臣慶善樂二舞每奏上皆立對守真又議曰竊唯二舞肇興謳吟攸屬贊九功之茂烈叶萬國之歡心義均詔夏用燕賓祭皆祖宗盛德而子孫享之詳覽傳記未有皇王立觀之禮况升中大事華夷畢集九服仰垂拱之安百蛮懷率舞之慶陶甄化育莫非神功豈於樂舞別申嚴敬臣等詳議奏二舞時天皇不合起立詔並從之尋以帝不豫改用來年正月行封禪之禮十月癸亥車駕幸奉天宮十一月丙戌詔曰朕惟仁者德之本叶亭育之至途禮者道之末乃帝王

之餘事歷選往初詳觀曩躅惻隱以孚其化變通以會其神朕以虛薄祇膺寶位肝食宵衣惧忝於宗社如傷若厲佇濟於黎元每以皇極肇開範圍覆載遺惠所覃昭格區宇慶荷靈命常慮下虧鴻業遍刊詳獄不及上報立功已升聞於日觀思欵謁於天室志在告成諒非為已屬今茲豐稔方有事於嵩丘崇累聖之玉績祈兆人之嘉祐頃者分使出巡存問風俗河南河北尚有十餘州旱澇加以翔方寇盜時或侵邊關內流馳未能復業一物失所猶甚納隍教郡不寧豈宜備禮前欲以來年正月

封中嶽者宜停

高祖自東封之後太后威勸行中岳之禮頻下詔皆屬年飢又蕃夷寇邊而輟於是嵩山之不

營奉高宮以

為有事之漸

玄宗開元十二年閏十二月辛酉文武百官之部尚書裴漼等

上請封東嶽曰臣聞道協乾坤聖人之玄德功存禮樂王者之
能事故旁徵千載博考鴻名躬歷教之期偶天人之應莫不發
號施令升中合符澤浸黎元以茂聲實者矣伏惟開元神武皇
帝陛下握河提象出震乘圖英威邁於百王至德加於四海梯航
接武畢畫戎夷之獻耕鑿終歡不知克禘之力惡除氛沴增日
月之光輝慶襲休榮雜煙雲之氣色靈物紹至休祥皆委江竿
將鄙忝均芳雙船與一篁齊烈固可以稽典訓設壇塲悉符瑞
之美谷神祇之既謙而不發雖在於聖心理則難辭孰違於天
意臣幸遭昌運謬齒周行咸申就日之誠願覩封畝之慶無任
勤懇之至謹於朝堂奉表陳請以聞帝手詔報曰自終朝有故
國步艱難天祚我唐大命集於聖真皇帝朕承奉丕業十有餘
年德無加于百姓化未覃於四海將何以擬洪烈於先帝報成
功於上玄至若克禘禹湯文武之茂躅軒后周文之懿範非朕
之能逮也其有日月之瑞風雲之祥則宗廟社稷之餘慶也天
平地成人和歲稔則群公卿士之任職也撫躬內省朕何有焉
雖違兆庶之情未議封崇之禮甲子侍中臣乾曜中書令臣說
等奏臣聞自古受天命居大室者必登崇高之丘行封禪之事
所以展誠敬報神祇三五迄今未之闕也是以高宗因武文之
業盛岱亭之禮方冊所記虞夏同風聖移三朝年經五記封崇
之典缺而未脩山川望幸屬在今日陛下靖多難尊先朝天所
啓也承大統臨萬邦天所命也焉可不涉東岱禪云亭報上玄
之靈恩紹高祖之洪烈則天地之意宗廟之心將何以克厭哉

且陛下即位以來十有四載創九廟禮三郊大之孝敬也敦
九族及兄弟文王之慈惠也卑宮室菲飲食夏禹之恭儉也道
稽古德日新帝堯之文思也憐黔首惠蒼生虞湯之深仁也化
玄漢風太和軒帝之至理也至如日月星辰山河草木羽毛鱗
介窮祥極瑞蓋以荐至而為常衆多而不錄正以天平地成人
和歲稔可以報於神明矣鴻生碩儒上章奏而請封禪者前後
千百聖情摛抑天鑒未回臣等仰考神心傍採衆望封畝展禮
時不可抑陛下縱不欲以成功告天豈不欲以天休報德臣等
昧死上請以聞帝手詔報曰夫登封之禮告禪之儀蓋聖人之
能事明王之盛業也朕以眇身託王公之上夙夜祇懼恐不克
勝幸賴群公以保宗社至於休徵符瑞皆先帝遺慶朕何預焉
豈可以禮百神覲群臣備大亭之禮展封祀之儀哉雖誠請是
遠而宿心未暇臣乾懼臣說等又上言曰臣等考天人之際稽
億兆之情以為禮定功成登封告禪鴻名盛則屬在聖明陛下
讓德冲謙未允群議神祇缺望臣等惧焉且今四海和平百蠻
率職莫不含道德之甘實咀仁義之馨香是以上帝聿懷名山
望幸珍符荐委年穀屢登開闢以來未之有也臣聞自古受命
而封禪者七十二君安有殊風絕業足以方今也然猶躡梁父
登大山飛英聲騰茂實而陛下功德之美符瑞之富固以厚虞
夏含殷周矣有何退讓逡巡於大禮哉夫昭報天地至敬也嚴
配祖宗大孝也厚福蒼生博惠也發榮紀號丕業也陛下安可
以闕哉况天地之符彰矣祖宗之靈著矣蒼生之望勤矣禮樂

之文備矣陛下安可以辭哉故臣等願因神祇之叶順贊華夏之懇誠早稽舊章特垂新詔庶幾仲夏乘農之隙以展巡狩肆觀之儀則天下幸甚臣等昧死重請以聞帝又詔報曰夫治定然後制禮功成然後作樂朕承奉宗廟恐不克勝未能使四海乂安此治未定也未能使百蠻効職此功未成也焉可以揚景化告成功雖欲答於神祇終後安於兆庶再省誠懇悃悃良深乾曜說等又上言曰臣聞聖人者與天地合德故珍符休命不可得而辭鴻名聖典不可得而讓陛下功格上天澤流厚載三五之盛莫能比崇登封告成理叶幽贊故符瑞畢臻天意也書執大同人事也菽粟屢登和平也刑罰不用至理也命陛下稽天意以固辭違人事以久讓是和平而不崇昭報至理而不薦

祖宗億兆之情猶知不可況上帝臨照神宗顧謨其可止乎願納王公卿士列嶽播紳之衆望迴命有司速定大典臣等不勝懇切敢昧死再拜上請以聞時儒生墨客獻賦頌者數百計帝不得已而從之丁卯下詔曰自古受命而王者曷嘗不封泰山禪梁父答厚德告成功三代之前率由斯義起自魏晉已降迄至周隋常典闕而大道廢王綱弛而舊章缺千載寂寥封崇莫嗣物極而復天祚我唐武文二后應圖受籙洎于高宗重光累盛采至理登介立懷百神震六合紹殷周之統接虞夏之風中宗弘懿鑠之休睿宗穆粹清之道巍巍蕩蕩無得而稱者也朕昔戡多難稟略元朝虔奉慈旨嗣應丕業是用創九廟以申孝敬禮二郊以展嚴禋室菽粟於水火捐珠玉於山谷兢兢業業

非敢追美前王日慎一日實以奉尊遺訓至於巡狩大典封禪
鴻名顧惟寡薄未遑時邁十四載于茲矣今百穀有年五材無
青刑罰不用禮義興行和氣氤氳風淡泊蠻夷戎狄殊方異
類重譯而至者日月於闕庭竒獸神禽甘露嘉醴窮祥極瑞者
朝夕於禁禦王公卿士整迺誠於中鴻生碩儒獻其書於外莫
不以神祇合契億兆同心斯皆烈祖聖考垂裕餘慶故朕得荷
皇天之景祐賴祖廟之介福敢以眇身而顯其讓是以敬承群
議弘此大猷以光我高祖之丕圖以紹我太祖之鴻業永言陟
配祇感載深可以開元十三年十一月十日式遵故典有事泰
山所司與公卿諸儒詳擇典禮預為備具物廣勞人務存節約
以稱朕意所緣封禪儀注兵馬陪集並皆條奏布告遐邇

十三年四月乙丑撫州三脊茅生有上封者言曰昔齊桓公九

合諸侯一匡天下時封禪問於夷吾夷吾對曰江淮之間三脊茅

生用以縮猶乃可封禪其時無茅桓公大慙而罷自歷千古今

始一生昔宣王南征責楚包茅不入王祭不供則是其地其茅

今高一尺至八月長足方堪縮酒特望聖恩至時令采用祭太

山并掘根於苑內植之時宰臣已遣使於岳州採沅江茅乃奏

曰管夷吾為桓公是諸侯不合封禪故稱茅以拒之及伐楚之

日尊周室行伯道乃責楚云包茅不入王祭不供若以茅為瑞

是不知經義臣等歷仕荆楚博訪貢茅沅江最勝臣已牒岳州

取訖會稱撫州有茅請移根入苑且貉不踰汶橋不過江移根

苑中信是虛語望勅撫州且進六束與沅江相比用之帝曰可

癸酉詔朝集使各奉所部孝弟文武集于泰山之下

八月己未以封禪之故語中書令張說右散騎常侍徐堅太常卿韋緇祕書少監康子元國子博士侯行杲等與禮官於集賢書院刊撰儀注張說謂徐堅韋緇等曰乾封舊儀禪社首享望地祇以先后配享王者父天神而母地祇雖當今皇母位亦當往帝之母也子配母享亦有何賢而以皇后配地祇非古之制也天鑿孔明福善如響乾封之禮文德皇后配地祇天后為亞獻越國大妃為終獻宮闈接神有乖舊典上玄不祐遂有天授易姓之事宗社中祀公族誅議皆由此也景龍之季有事圓丘韋氏為亞獻皆有婦人升壇執籩豆滌醴穹蒼享祀不潔未及踰年國有內難終獻皆受其咎平座齋郎及女人執祭者多亦天卒合主上尊天敬神事須革正斯禮請以睿宗大聖貞皇帝配皇地祇侑神作主乃定儀奏聞帝從之張說徐堅康子元等又議諫曰臣等謹案明慶中禮部尚書許敬宗因脩禮奏改燔柴在祭前伏杯祭祀之禮必先降神周人尚臭祭天則燔柴者臣等按禮迎神之義樂六變而天神降八變而地祇出九變則人鬼可得而禮矣則降神以樂周禮正文非謂燔柴以降神也按尚臭之義不為燔之先後假如周人尚臭祭天則燔柴則殷人尚聲何聲可燔先迎神乎又按明慶中無忌等奏晉氏之前猶遵古禮周魏以降妄為損益者今按郭璞晉南郊賦及注爾雅祭後方燔又案宋志所論亦祭後方燔又檢南齊北齊及梁郊祀亦飲福酒訖燔又檢後周及隋郊祀亦祭先後燔據此周

遵後燔晉不先燎無忌之言事乃相乖又崇周禮大宗伯職以玉作六器以禮天地四方注云禮謂始告神時薦於神座也又文云以蒼璧禮天以黃琮禮地皆有牲幣各於其器之色又禮器云有以少為貴者祭天特牲是知蒼璧之與蒼牲俱合奠之神座理則不惑又云四圭有邸以祀天旅上帝則明祀昊天上帝之時以旅五方天帝明矣其青圭赤璋白琥玄璜以立春立夏立秋立冬日各於其方迎氣所用自分別矣今按明慶所改新禮以蒼璧與蒼牲蒼幣俱用先燔蒼璧既燔矣所以遂加四圭有邸奠之神座蒼牲既燔矣所以既加駢牲充其實俎混昊天於五帝同同四圭失特牲之明文加為二犢深乖禮意事乃無憑考功員外郎趙冬曦太學博士侯行果又曰先焚者本以降神行之已久中書令張說又執奏曰徐堅等所議燔柴前後議有不同據祭意及貞觀明慶已後即先燔若欲正失禮求祭意請從貞觀禮如且因循不改請從明慶禮凡祭者本以敬為主心至則通于天地達於神祇既有先燔後燔自可斷於聖意聖意所至則通於燔之先後臣等不敢裁定帝令依後燔及先奠牲璧之議是後太常卿寧王憲奏請諸郊壇時祭並依此先奠璧而後燔柴瘞埋制從之時又以四門助教施教本駁奏舊封禪禮八條其略曰舊禮侍中跪取匱沃盥非禮也夫盥手洗爵人君將致潔而尊神故使小人為之今侍中大臣也而沃盥於人君太祝小臣也反詔祝於天神是接天神以小臣奉人君以大臣故非禮按周禮大宗伯曰鬯人下士二人裸事則沃

盥此職也漢承秦制無鬱人之職故使近臣為之魏晉至今因而不改然則漢禮侍中行之則可矣今以侍中為之則非也漢侍中其始也微高帝時籍孺為之惠帝時閼孺為之留侯子辟彊年十五為之至後漢樓堅以議郎拜侍中邵闔自侍中遷步兵校尉其秩千石少府卿之官屬也少府卿秩中二千石丞秩千石侍中與少府丞班同魏代蘇則為之舊侍中親省起居故謂之執獸子吉茂見則嘲之曰仕進不正執獸子是言其為襲臣也今侍中名則古官人非昔任掌同燮理寄實鹽梅非復漢魏執獸子之班異乎周禮鬱人之職行舟不息墜劔方遙驗刻而求可謂謬矣夫祝以傳命通主人之意以薦於神明非賤職也故兩君相見則卿為上賓况天人之際其肅恭之禮以兩君為踰不亦大哉今大宰大祝下士也非所以重命而尊神之義也然則漢大祝是禮矣何者按周禮太宗伯曰大祝下大夫二人上士四人掌大祝之祠大宗伯為上卿今禮部尚書太常卿比也小宗伯中大夫今侍郎少卿比也大祝下大夫今郎中太常丞比也上士四人今員外郎太常博士比也故可以處天人之尊致尊極之祠矣又漢大祝令秩六百石與太常博士同班梁大祝令與南臺御史同班今大祝下士之卑而居古下大夫之職斯又刻舟之論不殊於前矣又曰舊禮謁者引大尉升壇亞獻非禮也謁者已賤升壇已重是微名用之欲合於古而不知戾於古而變於今也按漢官儀尚書御史臺官屬有謁者僕射一人秩六百石銅印青綬謁者三十五人以部中滿歲祿給

事未滿歲稱灌謁者又案漢百官公卿表百祿勲官屬有郎中
員秩比二千石有謁者掌賓贊受事員七十人秩比六百石則
古之謁者異等今謁者班微以之從事可謂踈矣又曰舊禮尚
書令奉玉牒今無其官請以中書令從事又按漢武帝時張安
世為尚書令遊宴後客以官者一人出入帝命改為中書謁者
令至成帝罷官者用士人魏黃初改秘書置中書監令舊尚書
并掌制誥既置中書官而制誥樞密皆掌焉則自魏以來中書
是漢尚書之職今尚書令奉玉牒是用漢禮其官既闕故可以
中書令主之議奏玄宗令張說徐堅召敬本與之對議詳定說
等奏曰敬本所議其中四條先已改定有不同者望臨時量事
改攝制從之癸亥以東封鹵簿人少召外州音聲人助之隨駕
衛十月己未勅曰自古明王仁及萬物今助天孳育方欲告成
其緣祭祀及在路供頓犧牲餼牢禮不可闕除此外天下諸州
並令斷屠及漁獵採捕駕迴至京任依常式辛酉帝發東都巡
狩庚子至濮州河南河北五百里內父老皆獻牛酒還其牛各
賜帛二疋遣之丁丑白鵲見於行宮

十一月丙戌至泰山之下去山距五里丁亥帝袞冕服於行宮
致齋戊子勅曰封祀告成為萬姓祈福必資清潔以副朕心其
行事官及齋郎應致齋者宜令御史行齋切勿容踈怠有雉野
鷄飛入齋宮馴而不去久之飛入仗衛忽不見邠王守禮等賀
曰臣謹按舊典雉者來伯雉者來王聖誕酉年鷄主於酉斯蓋
王道遐播天命休禎臣請宜付史官以彰靈貺從之己丑日南

至帝備法駕登山旌旗天仗雲屯百餘里環衛于嶽之下列十廬於岳谷文武百僚二王後孔子後諸方朝集使及蕃夷君長咸從事日有詔應行從群臣並留於谷口帝獨與宰臣及外壇行事之官登于嶽上齋宮之所初帝以靈山清潔不欲誼繁將令初獻於山上壇行事亞獻於山下壇行事召禮官學士賀知章等入議儀注因問之知章等奏曰昊天上帝君位五方帝臣位帝號雖周而君臣異位陛下享君位於山上群臣禮臣位於山下誠足垂範來葉為變禮之大者也然禮成於三初獻亞終合於一處帝曰朕正欲如是故問卿耳於是勅三獻於山上行事其五方帝及諸臣座於山下壇行事帝因問玉牒之文前代帝王何故秘之知章對曰玉牒本是通於神明之意前代帝王所求各具或禱年筭或思神仙其事微密是故外人莫知之帝曰朕令此行皆為蒼生祈福更無私請宜將玉牒出示百僚使知朕意其詞曰有唐嗣天子臣某敢昭告于昊天上帝天啓李氏運興土德高祖太宗受命立極高宗升中六合殷盛中宗紹復繼體不定上帝眷祐錫臣忠武底綏內難推戴聖父恭承天室十有三年敬若天意四海晏然封祀岱宗謝成于天子孫百祿蒼生受福庚寅祀昊天上帝于山上高祖神堯皇帝配享帝冕旒升壇奉珪璧奠獻以邠王守禮亞獻寧王憲終獻命有司享五帝百神于山下壇禮畢帝乃飲福酒中書令張說進稱天賜皇帝太一神策周而復始永綏兆人帝拜稽首山上作圓臺四階謂之封祀壇臺上有方石再累謂之石碓玉牒玉冊刻玉

填金為字各盛以玉匱緘以金繩封以金泥皇帝以受命宝印之納玉匱二於緘中金泥緘際以天下同文之印封之然後焚紫燎祭群臣稱萬歲傳呼山頂至于山下振動天地於是整鑿輅還山下之齋宮有慶雲隨馬祥風繞輅中書令張說等蹈舞拜賀帝曰朕以薄德恭膺大寶雲物休祐皆是卿等輔弼之力君臣相保勉副天心長如今日不敢矜怠說等又奏曰聖心誠懇昨夜致齋則息風收雨今朝封祀則天清日煖復有祥風助樂慶雲引燎靈迹盛事自古未聞陛下又思慎終如初長福百姓天下幸甚辛卯祀皇帝祇于社首之泰祈壇睿宗聖真皇帝配享藏玉策於石緘如封祀壇之儀初帝登山至齋宮其夕陰雲慘冽勁風四起裂幕折幄寒氣切骨帝露立祈請仰天自誓

曰某身有過請即降罰萬人無福亦請某為當罪應時風止天地清宴日氣和煦及升壇休氣四塞登歌奏樂有祥風自南而至絲竹之聲飄若天外及禪社首五色雲見日重輪壬辰帝御朝覲壇之帳殿朝群臣大赦天下詔曰朕躬陟天門齋齋日觀時屬嚴冬雪後初夜風寒朕因露立祈恩誓欲代人當咎俯仰之際頓息霜颭奠獻之晨變同韶景成荷上天垂祐亦賴靈山吐祥詩云無德不報宜封泰山神為天齊王禮秩加三公一等宜令所管崇卿祠廟去十里禁其樵採給近山二十戶以奉神祠天下賜酺七月帝製紀太山銘親禮勒於山頂之石壁其詞曰朕宅位十有四載顧惟不德情于至道任夫難任安夫難安茲朕未知獲戾於上下心之浩盪若涉於大川賴上帝垂休先

后儲慶宰衡庶戶交脩皇極四海會同五典敷暢歲云嘉熟人
用大和百辟僉謀唱余封禪謂孝莫大於嚴父謂禮莫尊於告
天天符既至人望既積固請不已固辭不獲肆余與二三臣稽
虞典繹漢制張皇六師震疊九寓旌旗有迺士馬無譁爾邕邕
翼翼溶溶以至于岱宗順也爾雅曰太山為東嶽周官曰兗州
之鎮山實惟天帝之孫群靈之府其方處萬物之始故稱岱焉
其位居五嶽之伯故稱宗焉自昔王者受命易姓於是乎啓天
地薦成功序圖錄紀氏號朕統承先王茲率厥典實欲報玄天
之眷命為蒼生之祈福豈敢高視千古自比九皇哉故設壇塲
燔之先後用吞沐命則亦與百執事尚綏兆人將多于前功而
必彼後患一夫不獲萬方其罪余一心有終上天其知我朕惟

寶三德曰慈儉謙慈者覆無疆之言儉者崇將來之訓自滿者
人損自謙者天益如是則軌迹易循基構易守磨石壁刻金字
巽後之人聽詞而見心觀末而知本銘維天生民立君以理維
君受命秦天為子代去不留人來無已德涼者滅道高斯起赫
赫高祖明明太宗爰革隋武奄有萬邦罄天張宇盡地開封武
祿有截文表時邕高宗稽古德施周溥茫茫九夷削平一鼓禮
備封禪功齊舜禹巖巖岱宗衍我神主中宗紹運舊邦維新恭
已南面氣氲化溥告成之禮留諸後人緬餘小子重基五聖匪
功伐高匪德矜威欽若祀典丕承永命至誠動天福我萬姓古
封太山七十二君或禪亭亭或禪云云其迹不見其名可聞祇
通文祖光昭舊勳方士虛誕儒書不足秩后求仙誣神檢玉秦

災風雨漢沔編錄德未合天或承之辱道在觀政名非從欲銘
之絕巖徧告群牧於是中書令張說撰封祀壇頌侍中源乾曜
撰社首壇頌禮部尚書蘇頌撰朝壇頌以紀聖德是日以侍中
源乾曜為尚書左丞相兼侍中中書令張說為尚書右丞相兼
中書令蓋以宰相之任佐理王化勒成岱宗特有寵也

二十三年九月丁卯文武百官尚書左丞相蕭嵩等累表請封
嵩華二嶽

表曰
臣聞

封岱之義王者告成當休明而闕典乃臣子之
深過伏惟開元神武皇帝陛下受命維天應期光宅垂慶雲而
復露暢和氣以生成物荷深仁時惟天道文明之化洽矣穆清
之風被矣淳源既泳福應咸臻盈於天壤照於方策蓋非愚下
所能頌美且天之在上日鑒在茲嘉大聖之神功降元符以表

德恭伸昭報祇事升中古昔大猷孰先茲道臣等覩休徵以上

請陛下崇謙讓以固辭事恐勞人抑其勤願德音所逮自古未

聞昔虞巡嶽周在一歲書稱其美不以為煩寧比華嵩皆在近

甸復茲豐稔又倍他年歲熟則餘糧地近則易給况費務蓋寡

咸有司存儲峙無多豈煩黎庶唯當首路以望屬車陛下往封

泰山不祕玉牒嚴裡上帝本為蒼生今其如何而闕斯祀伏願

發揮盛事蠲擇元辰先檢

於玉

嵩山次泥金於華嶽是天休既答

人望允從上下交歡生靈幸甚臣等昧死敢此竭誠理在至公

祈於俯遂無任悃款之至謹詣朝堂陳請以聞帝固讓不從手

詔報曰升中于天帝王盛禮蓋謂臻茲淳化告厥成功今兆雖

安尚竭豐年之慶邊疆則靜猶有踐更之勞况自愧於隆周敢

追迹於大舜年頃迫以萬方之請難違多士之心東封太山于今
惕厲豈可更議嵩華自貽慙恧雖籍公卿共康庶政永惟菲薄
何以克堪朕志必誠宜斷來表也

二十八年九月己丑邠王守禮率宗子左丞相裴耀卿率百官
僧道父老皆於朝堂抗表以時和年豐請封嵩華二山帝抑而
不許

天寶九載正月文武百寮禮部尚書崔翹等累上表請封西嶽
刻石紀榮號帝固拒不許翹等又奉表懇請曰自今日辛亥至
于癸丑累表誠祈請紀榮號聖心恭默冲讓再三臣等伏讀綸
言退增祗慄敢重瀝愚懇期諸必遂臣聞聖人之言與春秋而
同信上天之繹將影響而同符昭報不可以久稽成命不可以

固拒今靈山警蹕望玉奎之升中儒林展儀思金匱之盛禮發
祥儲社喻以封山人事天時不可失也伏惟開元天地大宝聖
文神武應道皇帝陛下祖武宗文重熙累洽霑風化而砥礪在
動植而昭蘇外戶不扃餘糧栖畝其神功至道廣瑞殊祥前表
縷陳安敢浮說夫脩德以俟命勒功以告成將欲謁款神祇雍
熙帝載未為過越也伏惟覽公卿之議考封禪之禮陟華蓋於
翠微轉鈞陳於雲路泥金於菡萏之上刻玉於明星之前使三
五六經復再聞於唐典七十二姓不獨紀於夷吾敷景福以浸
黎元錫大慶而孚天地蒼生之望也朝廷之幸也無任悃款誠
懇之至謹請朝堂奉表陳請以聞帝手詔不許曰輕脩大典所
不願為時或傳中旨請紀榮號何如空云請封西嶽乙卯群臣

又奉表請封西嶽曰臣翹等伏稽古訓上請增封再奉明旨未蒙允納臣等承詔皇駭失圖臣聞省方展義君人之大典登封告成王者之丕業是以先古哲后道治則封所以答神祇之功增兆庶之福無私於己故行之者不辭必順於天故言之者難奪敢冒萬責竭誠思請伏惟開元天地大宝聖文神武應道皇帝陛下紹文武之丕烈合君臣於昌運均雨露穆陰陽四海無波而靜默群生自樂而仁壽由是德懷蠻貊澤洎昆蟲宗廟祀典罔不祇肅要荒殊俗莫不耒庭自皇王以來載籍所記未有混區宇窮禎祥地平天成德茂道洽若今日之盛者也固可告太平之功展封崇之禮故臣與王公侯伯黎老緇黃累陳自奏備竭丹懇豈謂聖恩猶阻皇鑒未迴伏奉癸丑詔書曰輕脩大

典所不願為臣等戰慄匪皇寧處實以陛下功成道治理叶升中且夫龜龍咸格天意也夷夏大同人事也時和年豐太平也無為清淨至理也允應大典豈謂輕脩乎奉若靈命安可不為乎臣等敢冒宸極重明其義竊以西嶽華山實鎮京國黃虞之所循省靈仙之所依憑固可封也况金方正位合陛下本命之符白帝臨壇告陛下長生之籙發祥作聖抑有明徵又可封也昔周成王以翦桐為戲唐叔因是而定封蓋人君之言動有成憲斯事至細猶不忽也况陛下眷言封祀宿著神明道已洽於升平事未符於琬琰豈可抑至公於私讓棄誠信於神明乎固不可得而辭也日者封章累奉嘉慶畢臻一畝而甘雨流再陳而瑞雪降則知天人之意影響合符若然者陛下安得稽天命

以固辭違人事以久讓太平允祇靈貺上以揚祖宗之盛烈下以副億兆之懇誠克崇上報永光大典臣等幸甚宗子又上表曰臣微等伏見禎祥委積河海澄清長瞻北極之尊屢獻西封之䟽誠懇不達天鑒未從徘徊闕庭隕越無地陛下再造區寓肇康生人與天合符與道合契灵芝表瑞玉版呈文九穀歲衍於京坻百蠻盡習其冠帶能事備於典策盛德光于祖宗升中告成是屬今日惟夫太華高冠群山當其少陰鎮此西土自有虞巡狩歷祀三千夏殷以還罕能肆覲陛下雖加進寵號增廟宇而大禮未施精意空潔又陛下傾歲建碑曰常勤報德之願未暇封崇之禮萬姓瞻予言可復也臣以為天地之主豈徒言哉神祇俟望固已久矣伏願俯順百辟兆人之請明徵刻石銘山之記暫迂萬乘降彼三峯奠珪璧於中壇奉笙鏞於上帝使普天蒙福重錫無疆頓冒宸嚴普期必遂無任懇切屏營之至謹詣朝堂奉表陳請以聞凡三上表上乃許之丁巳詔曰以今載十一月有事華山中書門下及禮官詳儀注奏聞務從省便是載三月西嶽祠廟災時關中久旱詔曰自春以來頗憊時雨登封告禫情所未遑所封西嶽宜停

新刊監本冊府元龜卷之第三十七

帝王部

五十七

頌德

詩有六義其一曰頌所以美盛德之形容以其成功告於神明者也若乃駿命允集聖政光被武功震耀遠夷率服孝德昭著風俗歸厚乃至典禮脩舉珍符杳委王澤漸漬時文載郁繇是群臣歸美頌聲並作或端委穆清壽觴斯薦或奏御公車英詞煥發摘葉奮藻引商流羽是光帝德以播國風燦然可觀於斯為盛至有述上世之懿烈揚無窮之休問固足以播之冕蓋昭示來裔皆所以揄揚褒贊極臣子竭忠稱君之分也

舜作歌曰勅天之命惟幾

用虞君允諧之政故作歌以戒安不志危勅正也奉正天命以臨民惟在

頃時惟在 乃歌曰股肱喜哉元首起哉百工熙哉元首君也股肱之臣喜樂

慎微 起百官之事業乃廣 阜陶拜手稽首自颺言曰念哉大言曰颺作歌以戒帝

率作興事慎乃憲欽哉憲法也天子率臣下為起治之事 屢省

乃成欽哉屢數也當數顧省汝成 乃賡載歌曰元首明哉股肱

良哉庶事康哉賡續載成也帝歌歸美股肱義足故

成湯放桀于南巢惟有慙德湯放桀武功成故以為南巢地名有慙德慙德不及古 曰予

恐來世以台為口實恐來世論道伐 仲虺曰惟王不邇聲色不

殖貨利近不近聲樂言清簡不近女色言貞固殖生忠 德懋

懋官功懋懋賞用人惟已改過不吝勉於德者則勉之以官勉

之言若自己出有改則改 克寬克仁彰信兆民葛伯方仁之德

乃葛伯仇餉初征自葛東征西夷怨南征北狄怨葛伯遊行見

田者殺其人奪其餉故謂之仇餉仇怨也湯為是以不祀之一

罪之伐從此遂征無道西夷北狄率遠以言則近者著矣

曰奚獨後予怨者 攸徂之民室家相慶曰後予後后來其蘇湯

往之民偕喜曰待 民之戴商厥惟舊哉自葛始 佑賢輔德顯

忠遂良賢則輔之德則助之忠則 無弱攻昧取乱侮亡弱則無

攻之乱則取之有已 推亡固存邦乃其昌有七道則推而亡之

王者如此 德日新萬邦惟懷志自滿九族乃離日新不怠自

懋昭大德建中于民以義制事以禮制心垂裕後昆欵王自勉

大中之道于民率義奉禮 予聞曰能自得師者王求賢聖謂人

垂優足之道示後 莫已者亡自多足人莫 好問則裕自用則小問則有得所以足

嗚呼慎厥終惟其始靡不有初鮮克有終 殖有禮覆昏暴有禮

殖之昏暴 欽崇天道永保天命王者如此王事則

者復亡之 敬天安命之道

周公居攝五年之末以文王受命不卒而終時天下太平故承其意而告之作維天之命之詩成王時唐叔得禾異畝同穎獻諸天子王命唐叔歸周公于陳作歸禾周公既得命禾旅天子

之命 已得唐叔之禾遂陳成王歸禾 作嘉禾 天下和同政之善 嘉禾明篇 告天下

宣王時仍叔為大夫作雲漢之詩以美宣王宣王承厲王之烈內有撥亂之志遇災而懼側身脩行歆銷去之天下喜於王化復行百姓見憂故作是詩

月吉甫為王卿士作崧高美宣王也天下復平能建國親諸侯

褒賞申伯焉 月官氏申國名申伯宣王之舅也以異人為王之 卿士佑王有功以正禮遣申伯之國有車馬之賜

踐于 又作丞 民美宣王任賢使能周室中興焉 賢能謂樊侯仲 山有也其詩曰

王命仲山甫式是百辟 又作韓奕宣王能命命諸侯 梁山于韓 續戎徂者王躬是保

高大為國之鎮所望祀焉改美大其貌奕人然謂之奕也梁山 今在馮翊夏陽西北韓姬姓之國也後為晉所成故大夫韓氏

以為邑名焉其詩曰王錫韓侯 又作江漢美宣王能興衰撥亂 其追其貊奄受北國因以其伯

命召公平淮夷也 召穆公虎也淮夷東國在淮浦 而美行召公受命伐而服之

召穆公為王卿士作常武之詩美宣王有常德以習武事因以 為戒

漢武帝東封泰山還登明堂御史大夫倪寬上壽曰臣聞三代

改制屬象相因 政教之法家相 間者聖統廢絕 聖統聖人之道 因屬屬連也

陛下發憤合指天地祖立明堂辟雍 祖始 宗祀泰一 宗尊 六律

五聲 六律謂黃鐘大簇姑洗蕤賓夷 則無射也五聲宮商角徵羽也 幽贊聖意 幽深也 神樂四

合各有方象 四方色及五神祭 祀聲樂各有等 以成嘉祀為萬世則也 則法 天下

幸甚將見大元本瑞登告岱宗發社闔門以侯景至癸亥宗祀

日宣重光上元甲子肅邕永享太平之世日抱重沈謂曰有重

唐也本瑞謂白麟玉鼎之屬也以侯景至冬至之景也上元申

子大初元年甲子朔旦冬至也宗尊也肅微也雍和也既敬且

和則長為光輝充塞天文燦然塞滿也燦然明兒見象日昭報見符應

言天显示景象日月昭明臣寬奉觴再拜上千萬歲壽制曰敬

舉君之觴

終軍為給事中從常武幸雍祠五時獲白麟一角而五蹄每一

五蹄時又得奇木其枝傍出轍復合於木上帝異此二物博謀

群臣訪其微軍對曰臣聞詩頌君德樂武后功異經而同指明

盛德之所隆也南越竄屏葭葦與鳥魚群葭葦也成正朔不及

其俗有司臨境而東甌內附閩王伏辜南越賴救北胡隨畜薦

居薦屨也隨畜牧屨易故居不安禽獸行虎狼心上古未能攝

大將軍秉鉞單于犇幕栗騎抗旌昆邪右衽抗衽也右衽是澤

南洽而威北暢也揚台專也若罰不阿近奉不遺遠設官旌賢縣

賞待功能者進以保祿罷者退而勞力謂不堪取任者也刑於

字內矣則法也言威法於字履衆美而不足懷聖明而不專言

謙建三宮之文質章厥職之所宜三宮明堂辟雍美台也言封

禪之君無聞焉前世封禪之君不夫天命初定草事草創謂始

也及臻六合同風九州共貫必待明聖潤色祖業傳於無窮

潤色謂故周至成王然後制定而休徵之應見休美也陛下盛

日月之光垂聖恩於勒成專神明之敬奉燔瘞於郊宮燔祭天

地也祭天則燔之祭地則瘞獻享之精交神積和之氣塞明塞

之郊居謂太時及後王也

也明者明靈 而異獸來獲宜矣昔武王中流未濟白魚入於王

舟俯取以燎群公咸曰休哉謂伐紂時今郊祀未見於神祇而獲獸

以饋以饋為克祭俎也此天之所以示響而上通之符合也宜因昭時

今日改定告元改元年以告神祇也昭明也今善苴以白茅於江淮發嘉號於

營丘以應緝熙苴作席也江淮職貢三脊茅為藉也嘉號封禪也太山在齊分野故曰營丘也或曰營封太山

以明姓號也非使著事者有紀焉謂史官也蓋六鵠退飛逆也

六鵠退飛象諸畔送宋襄公伯道退也白魚登舟順也謂武王我殷而魚入王舟象征而必獲故曰順也

夫明闇之徵上乱飛鳥下動淵魚乱變也各以類推今野獸并角

明固本也并合也獸皆兩角今衆支内附示無外也若此之應

殆將有解編髮削左衽襲冠帶要衣裳而蒙化者焉要衣裳謂著中國之

也衣裳斯拱而竦之耳拱手而待之對奏上甚異之由是改元為

元狩後數月越帝及匈奴名王有率衆來降者時皆以軍言為

中吾丘壽王為光祿大夫汾陰得寶鼎武帝嘉之薦見宗廟藏

於甘泉宮群臣皆上壽賀曰陛下得周鼎壽王獨曰非周

鼎帝聞之召而問之曰今朕得周鼎群臣皆以為然壽王獨

以為非何也有說則可無說則死壽王對曰臣安敢無說臣聞

周昴始乎后稷長於公劉大於大王公劉后稷曾孫也大王文王之祖則古公亶甫也

成於文武顯於周公德澤上昭天下漏泉昭明也漏言德澤下沾如屋之漏

無所不通上天報應鼎為周出故名曰周鼎今漢自高祖繼周

亦昭德顯行施恩布惠六合和同至於陛下恢廓祖業功德愈

盛天瑞並至珍祥畢見昔秦始皇親出鼎於彭城而不能得天

祚有德而寶鼎自出此天之所以與漢迺漢室非周鼎也上曰

善群臣皆稱萬歲賜壽王黃金十斤

宣帝時天下和平四夷賓服神爵五鳳之間屢蒙瑞應而益州

刺史王褒欲宣風化於衆庶聞王褒有俊才請與相見使褒作

中和樂職宣布詩中和者言政治和平也繁賤者言百官各其職也宣布者風化並治無所不被選好

事者令依鹿鳴之聲習而歌之時汜鄉侯何武為僮子選在歌

中久之武等學長安歌大學下轉而上聞宣帝召見武等觀之

皆賜帛謂曰此盛德之事吾何足以當之褒既為刺史作頌即

中和樂職宣而詩也以美盛德故謂之頌又作其傳解釋頌歌之義益州刺史因奏

褒有軼材迺徵褒既至詔為聖主得賢臣頌

後漢明帝永平十七年公卿百官以帝威德懷遠祥物顯應

乃並集朝堂奉觴上壽制曰天生神物以應王者遠人慕化實

由有德朕以虛薄何以享斯唯高祖光武聖德所被不敢有辭

其敬舉觴太常擇吉日策告宗廟

章帝建初三年正月己酉宗祀明堂時郎中傳毅追美孝明皇

帝功德最盛而廟頌未立乃依清廟作顯宗頌十篇奏之元和

中始修古禮巡狩方岳崔駰上四巡頌以稱漢德辭甚典美時

丁鴻以少府從上奏曰臣聞古之帝王統治天下五載巡狩至

于岱宗柴祭于天望秩山川協時正日同斗斛權衡使人不爭

陛下尊履蒸蒸奉承弘業祀五帝於明堂配以光武二祖四宗

咸有告祀瞻望太山嘉澤降澍柴祭之日白氣上升與燎煙合

黃鵠群翔所謂神人以和答響之休符也帝善焉

魏太祖以孫權稱臣遣懿大理王郎郎答曰孫權前賤自詭躬

躬

討虜以補前愆後疏稱臣以明無二牙獸屈膝言鳥告歡明珠
南金遠珍必至情見乎辭效著乎功三江五湖為沼于魏西
吳東越化為國民鄢郢既拔荆門自開席卷巴蜀形勢已成重
休累慶雜沓相隨承旨之日撫掌擊節情之畜者辭不能宣
晉武帝時摯虞為聞喜令時天子留心政道又吳寇新平天下
乂安虞上大康頌以美晉德潘岳大尉府舉文章秀才武帝躬
耕籍田岳作賦以美其事

元帝初王廙為琅琊王司馬王敦辟為荊州刺史及帝即位廙
奏中興賦上疏曰臣託備肺腑幼蒙洪潤爰自齟齬至於弱冠
陛下之所撫育恩侔於兄弟義同於友恩欲攀龍鱗附鳳翼者
有年矣是以昔忝濮陽棄官遠跡扶侍老母携提細弱越長江

歸陛下者誠以道之所存願託餘蔭故也天誘其願遇陛下中
興當大明之盛而守局遐外不得奉瞻大禮聞問之日悲喜交
集昔司馬相如不得覩封禪之事慷慨發憤况臣情則骨肉服
膺聖化哉又臣昔嘗侍坐先后說陛下誕育之日光明映室白
豪生於額之左相者謂當王有四海又臣以壬申歲而用為鄱
陽內史七月四星聚於牽牛又臣郡有枯樟更生及臣後還京
都陛下見臣白兔命賦時琅琊又獻甘露陛下命臣嘗之又驟
騎將軍道向臣說晉陵有金鐸之瑞郭璞云必致中興璞之女
箠雖京房管輅不過明天之歷數在陛下矣臣少好文學志在
史籍而飄放遐外常與桀寇為對臣犬馬之年四十三矣未能
上報天地而侃言屢彰恐負先朝露填溝壑令微情不得上達

謹竭其頌獻中興賦一篇雖未足以宣揚盛美亦是詩人嗟嘆詠歌之美也

成帝咸康八年九月廬江春穀縣留珪夜見門內有光取得玉鼎一枚圍四寸豫州刺史路永以獻著作郎曹毗上玉鼎頌孝武帝時袁宏為東陽太守以漢時傅毅作顯宗頌辭甚典雅乃作頌九章頌簡文之德上於帝

後魏道武既破賀納遂命群臣登物居山遊宴終日從官及諸部大人請聚石為峯以記功德命張袞為文

獻帝時高允為中書令從帝北伐大捷而還至武川鎮上北伐頌帝覽而善之

高閣為昭武將軍時獻文傳位徒御崇光宮閣上表頌孝文時閣為中書監大和三年冬至帝及文明太后大饗群臣帝親舞於太后前群臣皆舞帝乃歆仍率群臣再拜上壽閣進曰臣聞大夫行孝義合一家諸侯行孝聲著一國天子行孝德被四海今陛下聖惟自天敷行孝道稱願上壽靈應無差臣等不勝慶踊謹上千萬歲壽帝大悅賜群臣帛人三十匹

宣武永年中甄楷上孝文頌十二篇優詔報之

高聰為散騎常侍黃門侍郎宣武幸鄴還於河內懷界帝親射矢一里五十步餘侍中高顛等奏伏見親御弧矢臨高設弋鳴弦動羽馳鏃所逮三百三十餘步臣等伏惟陛下聖武自天神藝夙茂巧會騶虞之節妙盡矍圃之儀威稜攸疊翹光懾氣才猛所振勅敦彌心足以肅截九區赫服八字矣盛事竒迹必宜

表還請勒銘射宮永彰聖藝詔曰比乃弓弧小藝何足以示後
葉而唇喉近侍苟以為然亦豈容有異可如請遂勒銘於射所
聰為之調

隋高祖時突厥獲可汗以帝所賜旗鼓西征阿波遂生擒阿波
既而上書請阿河既生之命上下其議左僕射高穎進曰骨肉
相殘教之蠹也存養以示寬大帝曰善穎因奉觴進曰自軒轅
以來多為邊患今窮遠北海皆為臣妾比之盛事振古未聞臣
敢再拜上壽

唐高祖武德八年四月赤雀巢於殿門宴五品以上上頌者十
餘人極歡而罷

七月高祖從容謂侍中陳叔達曰自古帝王統一四海者凡有
幾人對曰五帝三王已前年代浸遠近古已未有秦始皇之與
兩漢下泊晉武耳高祖曰朕幸得繼前哲於朕良多叔達又對
曰隨末亂離蒼生塗地若不逢陛下救其淪溺黎庶死為魚矣
此蓋天授非人力所致帝大悅

九年四月給事中歐陽詢奏上帝德論帝覽之稱善

太宗貞觀三年正月親祭先農躬御耒耜籍于千畝之甸初晉
氏南還後魏來自雲朔中源分裂又雜以獯戎代歷周隋此禮
久廢而今始行之觀者莫不躍駭於是秘書郎岑文本獻籍田
頌以美之

臣欽若等曰按後魏後周
並耕籍田與此所載有異

六年閏八月秘書少監虞世南上聖德論帝手詔答曰卿所論
大祖但朕德甚寡恐有識者窺卿為後人所笑卿引古昔無為

而治朕未敢擬踰比之近代下踰之耳鄉覩朕之始未見朕之
終宜秘付書若朕能慎終如初則可為也如違此道不用後代
笑卿焉

十四年二月陝州言河水變清司空長孫無忌等詣闕上表曰
臣聞崑崙戴極道玄液以周天積石疏源委滄波而括地俯作
神州之紀仰膺上帝之宮水德靈長斯其謂矣故能道符千載
位長百川瑞馬開圖發榮光於遠代應龍闢壤致宅土於遐年
自此不追寂寥難俟天祚之聖復在於茲伏惟皇帝陛下則哲
承基窮神闡化功綿宇外德耀瀛表文教蔚乎三五至道格乎
天地是以禎凝藪澤慶溢風煙丹井輝竒青丘表異嘉苗合穎
入豐膳以鳴鍾天駟爾雲播頌聲於綴北西鷄南雉之貢日至

月書連珠湧醴之徵雲飛霧集宜其展事羸里仰告成功出豫
介丘方騰茂實猶且霄衣肝食若有追而不逮對越喜祉乃固
辭而弗居遂使萬玉韶華三神缺望西皇佇詔申以德水之祥
東岳希封勗以清河之貺伏見陝州刺史房仁裕狀稱所界內
二百余里正月元日黃河載清謹按易乾鑿度曰聖人受命河
水清京房飛候曰河水清天下太平由是納渭合涇混流同絜
凌門洶澤別泓俱清馬頰馳波詳觀若鏡龍門激箭迴眺飛空
滿天之曲煥然冰夷之都可見千尋朗澈俯映玄珠一曲澄鮮
遙觀紫貝盡河宗之奧秘洞水府之仙靈豈非天鑒詳明不愛
其道神心昭著有感斯通何由顯合符人祇交際理均形契若
斯之効歟臣等沐道醉心觀祥駭目披圖迭聽曠古無聞實慶

生涯親承旦暮詔答曰嘉瑞爰降必資至德天河效祉寔為希
世顧惟寡昧但增慙惕乃天地表祥宗社垂祐欲使天下隆平
八荒禔福王公卿士內外庶僚宜勉脩正道以副靈貺焉是月
帝幸國學觀釋奠命祭酒孔穎達講孝經既畢穎達上釋奠頌
帝手詔褒美

十五年十月太宗問特進魏徵曰朕為人主仰止前烈至於積
德累仁豐功厚利此四者帝王以為稱首朕皆庶幾自勉人苦
不能自見不知於朕之身何等為優徵曰德仁功利陛下兼而
有之然則內平禍亂外除戎狄是陛下之功安堵黎元各有生
業見陛下之利由此觀之功利居多

十六年七月太宗謂侍臣曰朕教召公等欲聞愆闕庶幾善道
以救不逮耳今常達夜不寢思為政愆非唯憂勤萬姓亦欲貽
法後昆司空長孫無忌奏稱古未撥亂人主載籍斯存天造草
昧之辰爰始經綸之日何嘗不思聞帝道祇奉王度及即位之
後漸染驕盈詩云鮮克有終此非虛說陛下君臨四海將十二
載視事之後每留群臣陛下為解威嚴貸以顏色唯欲其論國
家善惡用康政化哀愍黎元聖情轉切此等臣等獨蒙恩澤四
海蒼生誰不幸甚

二十一年二月詔皇太子之國學釋奠賜學官胄子帛各有差
仍擢其高業右庶子許敬宗上四言詩以美其事

二十二年四月磧外蕃人爭牧馬土界帝親臨斷決然後咸服
黃門侍郎褚遂良進曰昔虞芮爭田去此三百里陛下聖德廣

運無遠不臻磧外諸夷來斷境城振古以來所未聞也

玄宗開元二年六月左拾遺蔡孚獻龍池集王公卿士已上凡百三十篇請付太常寺其詞合音律者為龍池樂章以歌聖德從之初帝在藩與宋王寺居於興慶里時人謂為王子宅及景龍末宅內神池涌出汎灑清莹流之不竭中有龜龍遊焉故群臣歌之

八年城門即獨孤晏奏曰伏見聖上於別殿安置太宗高宗睿宗聖容每日侵早具服朝謁昔者周公宗祀文王於明堂以配上帝蓋有國之常祀聖上朝夕肅恭是過周公遠矣又聞禁中寧王憲申王撫內朝宴會聖上宮中自拜跪如家人之禮岐王範薛王業息賜特殊友愛邕睦海內稱之昔堯九族既睦平章

百姓是過帝堯遠矣聖上近造一小院東西南北各三十餘步寢殿卑狹階高尺三寸房廊階不過四五寸無青墀所坐氈褥非破不易是過於夏禹遠矣聖上嘗得絹四十餘萬疋謂侍臣等曰此物宜充男女嫁娶左藏庫物是百官諸邊將士物豈得漫用節約且過漢文遠矣聖上至德光厚躬勞庶政憂人飢寒昔齊君雨雪御裘憂勞凍餒但恤寒耳今聖上憂冬寒憂夏熱是過之遠矣請宣付史官從之

十三年十一月封東嶽禮畢於是中書令張說撰封祀壇頌侍中源朝暉撰社首壇頌禮部尚書蘇頲撰朝覲壇頌以紀聖德十九年八月幽州執叛奚壽斤來獻宰臣裴光庭等奏曰伏以深仁燭幽遠被無外至德感物矧茲有苗頃者奚壽斤方命不

恭執訊來獻而陛下至誠不疑推致赤心歸于阨落極負而至
置之左右射御不違自非睿宗至誠被物何以驟改驕節卒為
忠臣變鴟梟於鸞鳳登反側於仁壽求諸前古竹帛所不載稽
諸近事耳目所未聞臣等豫覩休異輒敢書于史冊帝曰奚壽
斤往因脅從遂同逆命俘虜而至罪則難容收其悔過之心免
其誅死之責惟誠待物果獲忠臣此皆卿等輔翼之所致豈朕
薄德之能感書之簡冊以示將來當斯美名良用慙惕

二十三年二月己亥以奚契丹既平宰臣裴耀卿張九齡李林
甫等奏賀曰奚及契丹尤近邊鄙侵軼是慮式過成勞臣庶常
情欲其防禦所謂常策無出此者陛下獨斷宸襟高奪群議以
為頃兵塞下轉粟邊軍曠日持久役無寧歲不若因利乘便一

舉遂平使遷善者自新為惡者就戮其勞不久永息我人且命大

兵臨之凶徒必潰不出此歲當並成擒臣等初奉聖謀高深未
測及聞凱捷晷候不差遠蕃遺類莫不稽顙緣邊戍卒咸返耕
稼臥鼓滅烽誠自此始斯皆陛下睿謀先定神算非常早觀變
於未萌必取豫於無象臣伏以成功不宰君人所以為重有美
不宣臣子所以成罪臣雖蒙瞽安敢無言既豫聞始謀又幸見
成事豈可使大空虛往日用不知竹帛相傳復紀何事請宣付
史館垂示將來仍許將吏等刊石立頌以紀功德帝手詔報曰
事有難易因圖可否小蕃背誕惡貫已盈人神棄之指期可滅
今之剋定禍會夙心記以史官銘之槃石頗矜功伐不願為之
卿等苦諭載用多愧使桓山之頌復在茲乎

八月癸巳千秋節命諸學士及道僧講論三教同異中書令張九齡上言曰臣聞好尚之論事蹟於偏方至極之宗理歸於一貫非夫上聖孰採要旨伏惟陛下道契無思該玄妙考六經之同異筌二教之出蹟將以降照群疑敷化率土屏浮詞於玉殿緝精義於金門一變儒風再揚道要凡百士庶罔不知歸臣等幸侍軒墀親承至訓忭躍之極實倍常情望宣付史館帝手詔報曰略舉三教求之精義會三歸一初分漸煩理皆共貫使自求之卿等論議廟堂化源何遠事闕風教任付史官

天寶元年五月濮陽郡王璲及嗣王宗子等奏曰臣等伏以龍池肇慶室祚攸彰聖德動天禎符荐至臣等憤深國家志願光揚開元二十二年於東京朝堂上表請建龍墀聖德頌曲蒙天睠俯遂微誠其時脩營已就刊勒所為頌文未備叙事多遺述聖談天萬不舉一既垂士庶之望莫辰宗臣之心尋請改脩冀昭聖德雖竭於愚忠翰墨未絕於琬琰今屬靈符降祉景命惟新天室之號再加郊廟之儀式展誠合書其實錄光闡微猷綴集詩文以存不朽特望天恩更許編錄則聖德鴻業紀而無遺盛美形容於茲允備無任勤懇之至謹奉表陳請以聞帝手詔報曰夫頌者美頌德之形容每省朕躬曷稱奇紀歲月斯積符瑞屢臻欲備叙之復茲誠請實賴人事不遺神明允來意也八月突厥阿布惠與其黨屬來降中書門下奏曰臣等伏以匈奴患邊其來日久頃雖朝廷示信約為父子之國然而戎狄無親常畜豺狼之志陛下聖謀廣運睿略玄通至道昭感明神叶

贊不勞一卒不煩一兵使其種落自相攜貳今業護敗亡殞身
漠北妻子縲繫為俘闕下巢傾席卷危解雲散萬里無事三邊
遂空曠古不賓盡為臣妾普天所覆皆入封疆諒由負德背恩
自速天亡之禍固亦休兵偃革用彰海晏之期實有無方之神
寧唯不戰之勝求諸載籍所未嘗聞臣等幸偶昌期欣逢大慶
望宣付史官從之

十二月西河大破土蕃大嶺中書門下表賀曰臣等自今月已
來累見隴右奏大破土蕃大嶺青海等軍捷書前至日因奏事
陛下謂臣等曰土蕃背恩人神共棄豈唯隴右頻勝三數日間
河西當有大捷今日王倭果奏又破土蕃魚海及遊奕等軍擒
生斬級并虜獲羊馬不可勝計竊觀前後克捷皆是特稟聖謀

宓練騎雄深討兇寇以寡擊衆所向無前天心與睿德合符士
卒與神兵叶契九重制勝動必有成萬里知未見於未兆一月
三捷上古未聞品物同歡何況臣等伏望宣示朝野編於史策
詔曰坐運竒謀誠難與戰河西捷書相繼謂之伐叛可豫圖之
所請者依

九載靈州都督兼御史中丞張齊丘上言請於新築北大都護
府建聖德碑頌許之

十載九月中書門下奏曰臣等今日奏事承德音聞江南為橘
江北為枳蓋以地氣有殊物性因變朕近宮內種柑子樹數株
今秋已來結實一百五顆乃與江南及蜀道所進無別似可謂
稍異者伏以自天所育者不能改有常之性曠古所無者乃可

為非常之感是知聖人御物以元氣布和大道乘時則殊方叶
致且橘柚所植南北異名實造化之有功匪陰陽之所革陛下
玄風真紀六合一家雨露所均混天區而齊被草木有性憑地
氣以潛通故茲江外之珍果為禁中之華實葉蒂含霜芳流綺
殿金衣爛日色麗彤庭豈比夫搖木移根俟風而實若榴傳種
因石為名理匪自於人謀事實關於神化圖謀未有耳目攸新
臣等忝侍朝墀恭聞殊應嘉慶交集倍萬常情仍望宣示朝廷
光諸史冊帝手詔報曰枳橘之性雖任土不遷陰陽之和實在
能感致且寒谷吹律猶氣變 郊中樞化源故物備京邑今甘
黃教林丹實盈條裛露迎風香逾江劍金光珠澤秀溢林庭豈
斯果之足珍喜元和之必應故合天道信何遠焉所賀知仍依

來請

十二月庚申勅安國寺以所撰先皇聖德頌刻石

其石皆上宜顯親王副郎

王及中書門下兩品五品以上供奉官御史中丞左右丞侍郎
德司文官負三品以上兼節度使及蕃酋大首領等名品准諸
碑頌制
鑄記

肅宗至德二年十二月玄宗自蜀至帝奉迎於望賢宮左相苗
晉卿中書侍郎同平章事崔圓表言伏見工部侍郎李遵及殿
中監李輔國言皇帝於望賢宮奉迎上皇望樓趨馳捧足嗚咽
問安既退侍膳皆親及出宮之時親選龍媒侍從歸闕孝敬之
至傍感人神四海歸心思深錫類群臣何幸得睹感其陛下武
功冠於千古孝德踰於百王昔夏之有窮少康復其業漢之新
莽光武續其緒雖復崇名茂績輝應美時而皆曠日持久動十

數載致使宗社都邑溫覆無遺未有如陛下神武奮發睿謀獨
斷曾不再稔掃清群兇奉迎聖皇不失舊物蒸蒸翼翼榮輝區
宇考之傳記振古未聞天地人神孰不忻幸臣請編諸史冊傳
之不朽詔曰荷社稷之靈賴上皇之感翦除寇盜克復京都決
辰之間大勲允集掃清宮闕奉迎銮輿昨自望賢宮得申拜慶
重覩侍省深戴君父之恩承順尊嚴固宜臣子之禮卿等訐謨
致理贊翼成功方告史臣有慙薄德乙卯殿中監李輔國奉表
上曰臣聞古今大宝皇上受命成功創業皆始艱難由是及高
光之功漢圖斯永滅流殫之患夏嗣以興豈比孝以盛通德以
成化光膺聖曆協契天時開闢以來未有如陛下者也頃巨猾
開彙中夏不康陛下赫然發憤奉命專征曾不踰旬兩京克復

掃清宮闕奉迎銮輿警蹕鳴笳舊儀逾盛行軍便幕故事無闕
陛下整法駕擁群臣遠自望賢拜迎路次引旌旆而祥風不散
拂銮輿而瑞雪時飄承順天顏無違就養君父之禮億兆同歡
猶乃不自為功至崇謙德過周文侍膳之典邁漢高獻壽之儀
虔奉至尊敬恭受命伏惟陛下以孝理天下也如彼以德化天
下也又如此盛德大業其至矣哉臣幸忝締構職在禁戎得睹
盛明無任抃躍伏請編諸史冊以示將來詔曰朕恭承明命親
搃兵戎掃挽搶之妖拯生灵之患宗社所祐何往不剋雖肇自
於艱難而終成於丕業昨日皇順動銮輿迴京仰戴君父之恩
重欣侍省之慶拜迎之日得展孝誠特荷聖慈多慙薄德遂得
祥風引旆瑞雪灑途宮闕生光感應昭著卿為朕心膂夙夜忠

勤所請宣付史館宜依

代宗大曆三年夏四月戊申乾陵上仙觀天尊殿有雙鵲啣柴
及泥補葺殿之隙壞凡一十五處宰臣等上表賀曰臣聞孝至
於天則祥發陵邑德被於物則化及鳥獸伏惟陛下因心廣教
弘道極和時因霜露之思流行雲雨之澤故前聖垂裕歆於明
誠皇天報貺錫以嘉應異雀來感翔集可窺跡比人謀事歸神
化伏望宣示中外編諸史冊手詔答曰聖祖仙都高宗園寢希
夷清淨之所肅穆哀敬之地二鵲相集以月繫時常啣棘茨用
補缺壞顧政理之多闕知先靈之由助祇奉貺祐感切良深卿
等道備梓材任當構廈覩茲符應洽康寧實賴嘉謨弼予不逮
所請編諸史冊者依

七年十月帝改于禁苑一發連二免遣使出示宰臣仍賜之宰
臣等拜舞稱慶抗表請付史官以紀鴻猷手詔不許癸丑宰臣
等又上言曰聞王者有日官動而必書事無虛美用成善忠之
義觀乎召舉之明體合忠直輔宣法教斯良史之任也帝王盛
美紀于一時闕登雅頌彰示國家斯君子之罪也昔漢武有獲
蛟之歌魏祖有南渡之事皆盛其殊能叙列前載玄宗開元中
蒐於岐陽親御弧矢陳九章之禮有百中之捷煥耀圖史布昭
詠歌今陛下以豐歲皆秋農郊始隙因依時令習用戎事遊涉
靈囿經于上蘭以一發之神連三窟之狡弦匪再控騎無甬逐
進異前禽之失奉明不合之圍事過舊聞妙歸天縱足以重威
四夷高視千古恩錫之後榮慶中朝公卿庶尹動色相賀垂於

簡牘允叶禮經若聖情冲深過於謙讓則史臣曠職後代無稱
凡在庶位罔知所出伏願特迴聖慈俯遂誠情手詔荅曰帝王
之制禮有三驅弧矢之威財成理道朕方欲清淨流任無為軌
俗射御之藝闕而不書卿等援據禮經博求良典奉聖祖岐陽之
狩徵漢皇郊廟之歌再陳表章頻志簡冊式遵彝慶宜依所請
敬宗寶曆元年九月成德軍節度使王庭湊上言請於館內立
皇帝聖德碑二年四月丙寅內出皇帝聖德碑本以賜王庭湊
武宗會昌中幽州節度使張仲武討殺迴鶻烏介可汗至會昌
末表請薊北立紀聖功銘帝詔遣宰臣李德裕為之

後唐明宗天成二年十二月延宰臣於玄德殿馮道奏曰先皇
帝末年不撫軍民惑以聲樂遂致人怨幾墜丕構陛下自膺人
望軍民惠愛藩后入覲情同魚水時歲頻稔亦淳化所致也更
願居安思危保守今日帝深然之

四年九月戊寅上御中興殿顧謂宰臣曰時事近日何如馮道
奏曰臣省事已來無歲不聞戰伐蓋政令不一王綱弛紊伏自
陛下纂隆五載服之以武威懷之以文德任賢不貳去邪不疑
天下歸心人知恥格近歲以來可謂無事

長興元年正月癸未上御中興殿謂宰臣曰近雖降春澤如何
馮道奏曰今歲春初已見三白相次又降雨澤人情大洽蓋陛
下聖德感通之應也臣聞天子事天臣下事君下若不供其職
則刑法及之天子不守其道則災沴降之今陛下敬天事地憂
勞百姓則歲有豐登

二年十二月己卯帝御中興殿宰臣馮道奏曰臘日陛下方憂
雪是夜便降立春日又降雨澤皆得其節也自陛下臨御于今
六載家給人足而又放鷹鷂之類咸令遂性所謂仁及鳥獸也
苟非聖德其孰能臻此

三年二月癸巳帝御中興殿顧謂馮道曰春雨太多乎道對曰
春澤多是豐年之兆契丹孔熾自近朝已未中國多事未暇制
服向者王都背叛連結邊戎陛下命將得人俾匹馬不迴使其
畏懼而脩朝貢則知皇威所振邁于前古也

周世宗顯德四年五月癸卯翰林學士兵部侍郎知制誥陶穀
進紫芝白兔頌曰陛下嗣位之元初歲次甲寅薄伐大原興六
月之師定王業也虎賁振旅兵渡孟津汜水獻紫芝三莖睍睍

分華惹度閏之氣越三載歲在丙辰親征淮夷破十萬之衆宣
武功也戎輅旋軫途次商塘潁川獻白兔一頭皎皎効質凝照
社之光謹按瑞應圖曰王者恩沾行葦則紫芝秀五行傳曰國
君德及昆蟲則白兔馴上宴息之暇有時臨翫覩禎祥而脩德
喜馴擾之遂性三者昭萬物肇生之數白者叶太素返朴之義
芝為瑞也左盤右屈而自然成形兔之異也或白或蒼亦不常
其色豈可使曠代嘉瑞未者無聞今聖君儉德罷露臺至仁祝
踈羅重林衡不時之禁則草木茂矣崇宗廟杓祭之禮則禽魚
樂矣若然則朱草黃英將擢秀於庭際丹鳳麒麟豈空遊於郊
藪下臣不佞再拜作頌頌曰猗哉灵草邈矣明視慶上帝之所
臨昭王者之嘉瑞考其祥稽其事芝為草也豈奪朱而效靈兔

乃獸焉取守黑而為異徵其薦瑞之日俱在迴奎之次酌物情
順天意吾君當垂衣而治

新刊監本冊府元龜卷第三十八

帝王部

尊親

尊師

尊乳保

尊親

仲尼曰故雖天子必有尊也孟軻亦曰孝子之至莫大乎尊親
夫自家刑國父天母地正位凝命總治綱紀魏乎在上風以化
下鞠育之重經義攸著用以樹崇名殊徽號異宮室之制申朝
覲之禮增飾服用嚴備官屬晨夕奉養罄竭恭愛德教彌遠兆
庶是賴書稱一人有慶者無善於此矣

虞舜踐帝位載天子旗往朝父瞽瞍

漢高帝六年三月帝歸櫟陽五日一朝太公太公家令說太公

曰天無二日土無二王皇帝雖子人主也太公雖父人臣也柰何令人主拜人臣如此則威重不行後帝朝太公擁篲為恭也如公卒

持帝也迎門卻行卻退而行也帝大駕下扶太公太公曰帝人主柰何

以我亂天下法於是帝心善家令言已心因得尊崇父號非善其令父敬也賜黃

金伍百斤五月丙午詔曰人之至親莫親於父子故父有天下

傳歸於子子有天下尊歸於父此人道之極也前日天下大亂

兵革並起萬民苦殃朕親被堅執銳被堅謂甲冑也執銳謂利兵也自帥士卒

犯危難平暴亂立諸侯偃兵息民天下大安此皆太公之教訓

也諸王通侯將軍群卿大夫已尊朕為皇帝而太公未有號今

上尊太公曰太上皇太上極尊之稱也皇君也天子之父故號曰皇不預治國故不言帝臣欽若寺曰士

上皇號止於此

惠帝高祖十二年五月丙寅即位尊母呂皇后曰皇太后

文帝初封代王十七年高后喪大臣議立後疾外家呂氏彊暴

皆稱薄氏仁善故迎立代王為皇帝尊母薄氏太后為皇太后

景帝即位尊母竇皇后為皇太后

武帝即位尊竇太后曰太皇太后母王皇后為皇太后臣欽若等曰漢

因秦之稱號帝母稱皇太后祖母稱太皇太后

昌邑王即位尊昭帝皇后上官氏為皇太后

宣帝即位尊皇太后曰太皇太后上官后也皇母曰皇太后即成王皇后母

養元帝者也

成帝即位尊皇太后曰太皇太后母王皇后曰皇太后

哀帝即位尊皇太后曰太皇太后成帝趙后曰皇太后又皇太

后下詔尊定陶恭王為恭皇哀帝因是曰春秋母以子貴尊傳太妃為恭皇太后丁妃為恭皇后各置左右詹事食邑如長信宮

建平二年夏四月詔曰漢家之制推親親以顯尊尊天子之至親當極尊

號定陶恭皇后號不宜復稱定陶尊恭皇太后曰帝太后稱

永信宮恭皇后曰帝太后稱中安宮成帝母太皇太后本稱長

信宮成帝趙后為皇太后並四太后各置少太僕秩皆中二千

石

平帝中山孝王子也元壽二年即位元始元年六月使少府左

將軍豐豐甄豐也賜帝母中山孝王姬衛氏璽書拜為中山孝王后

孺子嬰立尊平帝王皇后為皇太后

明帝即位尊母陰皇后為皇太后

章帝即位尊明帝馬皇后為皇太后及太后喪乃策書加所生

母賈貴人王赤綬諸侯王赤綬也安車一駟永巷宮人二百永巷宮中署名也后

改為掖庭永巷宮人即宮婢也御府雜帛二萬疋大司農黃金千斤錢二千萬

和帝即位尊章帝竇皇后為皇太后

殯帝即位尊和帝鄧皇后為皇太后

安帝清河王慶子也母曰左姬建光元年追尊父慶為孝德皇

尊孝德皇元妃耿氏為甘陵大貴人甘陵孝德皇之陵也

桓帝即位尊母匱氏為孝崇傳園貴人帝追尊父蠡吾侯翼日孝崇皇置園廟日傳園

和平元年梁太后葬就博陵尊貴人匱氏為孝崇皇后遣司徒

持節奉策授璽綬齋乘輿器服持備法駕宮曰永樂置大僕少

府已下皆長樂宮故事

漢官儀帝祖母稱長信宮帝母稱長樂宮故有長信少府及戢吏皆官者為之

又置虎賁羽林衛士起宮室分鉅鹿九縣為后湯沐邑

靈帝母曰孝仁董皇后后河澗人也為解犢侯長夫人生帝帝即位追尊長為孝仁皇陵曰慎陵以后曰慎園貴人及竇氏誅帝使中常侍迎貴人兄寵到京師上尊號曰孝仁皇后居南宮嘉德殿宮稱永樂

景平四年以冲帝母虞大家為憲陵貴人質帝母陳夫人為渤海孝王妃先是梁冀秉政虞氏抑而不登但稱大家而已陳夫人亦以梁氏故榮寵不及焉時小黄門趙祐議郎畢整上言春秋之義母以子貴隆漢盛典尊崇母氏凡在外戚莫不加寵今冲帝母虞大家質帝母陳夫人皆誕生聖皇而未有稱號夫臣子雖賤尚有追贈之典况二母見在不蒙宗顯之次無以述遵先世垂示後世也帝感其心乃拜焉

魏文帝初即王位尊母卞氏為王太后及踐祚尊后曰皇太后稱永壽宮

明帝即位尊卞太后曰太皇太后郭皇后曰皇太后稱永安宮齊王即位尊明帝郭皇后曰皇太后稱永寧宮

陳留王燕王宇之子景元元年十一月燕王上表賀冬至稱臣詔曰古之王者或有所不臣王將置依此義表不稱臣乎又常為報人後大宗者降其私親况所繼者重耶若便同之臣妾亦情所未安其皆依禮典陛下稽德期運撫臨萬國紹大宗之重隆三祖之基伏惟燕王體尊戚屬正位藩服躬秉虔肅率蹈恭

德以先萬國其於王典闡濟大順所不得制聖朝誠宜崇以非常之制奉以不臣之禮臣等評議以為燕王章表可聽如舊式中詔所施或存好問準之義類則宴覲之族也可少順聖教加崇義稱示不敢斥宜曰皇帝敬問大王侍御至於制書國之正典朝廷所以辨章公制宣昭軌儀於天下者也宜循法故曰制諸燕王凡詔命制書奏事上書諸稱燕王者可皆上其非宰廟助祭之事皆不得稱王名奏事上書文書及吏民皆不得觸王諱以彰殊禮加於群后上遵王典尊祖之制俯順聖敬烝烝之心二者不愆禮實宜之普告施行

晉武帝以魏咸熙二年即位尊母大妃王氏曰皇太子宫曰崇化初置宮卿重選其職以太常諸葛緒為衛尉太僕劉原為太僕宗正曹楷為少府

泰始二年以景皇帝夫人羊氏居引訓宮號引訓太后

惠帝太熙元年四月即位尊武帝皇后楊氏皇太后

明帝母荀氏元帝宮人及帝即位封建安君別立第宅太寧元年帝迎還臺內供奉隆厚及成帝立尊重同於太后

穆帝即位尊康帝皇后褚氏曰皇太后居崇德宮

哀帝即位詔有司議母貴人周氏位號太尉桓溫議宜稱夫人尚書僕射江彬議應稱太夫人詔崇為皇太妃儀服與太后同又詔朝臣不為大妃敬合禮典否太常江道議位號不極不應盡敬

簡文帝即位尊褚太后曰崇德太后

德以先萬國其於王典闡濟大順所不得制聖朝誠宜崇以非常之制奉以不臣之禮臣等評議以為燕王章表可聽如舊式中詔所施或存好問準之義類則宴覲之族也可少順聖教加崇義稱示不敢斥宜曰皇帝敬問大王侍御至於制書國之正典朝廷所以辨章公制宣昭軌儀於天下者也宜循法故曰制諸燕王凡詔命制書奏事上書諸稱燕王者可皆上其非宰廟助祭之事皆不得稱王名奏事上書文書及吏民皆不得觸王諱以彰殊禮加於群后上遵王典尊祖之制俯順聖敬烝烝之心二者不愆禮實宜之普告施行

晉武帝以魏咸熙二年即位尊母大妃王氏曰皇太子宫曰崇化初置宮卿重選其職以太常諸葛緒為衛尉太僕劉原為太僕宗正曹楷為少府

泰始二年以景皇帝夫人羊氏居引訓宮號引訓太后

惠帝太熙元年四月即位尊武帝皇后楊氏皇太后

明帝母荀氏元帝宮人及帝即位封建安君別立第宅太寧元年帝迎還臺內供奉隆厚及成帝立尊重同於太后

穆帝即位尊康帝皇后褚氏曰皇太后居崇德宮

哀帝即位詔有司議母貴人周氏位號太尉桓溫議宜稱夫人尚書僕射江彬議應稱太夫人詔崇為皇太妃儀服與太后同又詔朝臣不為大妃敬合禮典否太常江道議位號不極不應盡敬

簡文帝即位尊褚太后曰崇德太后

孝文帝即位尊母李氏為淑妃太元三年進為貴人九年又進為夫人十二年加為皇太妃儀服一同太后十九年尊為皇太后稱崇訓宮

安帝隆安元年二月尊皇太后李氏為太皇太后

後魏獻文即位尊文成皇后馮氏為皇太后

孝文帝即位尊馮太后曰太皇太后

孝明即位尊宣武皇后高氏為皇太后又尊所生母胡氏為皇太妃後又尊為皇太后

後周武帝即位尊母叱始氏為皇太后又尊愍帝后元氏為孝愍皇后先是愍帝被廢后出俗為尼至是尊焉

宣帝即位尊武帝阿史那皇后為天元上皇太后又尊所生母

李氏為天元聖皇太后

靜帝受禪尊天元皇太后為天元上皇太后天皇太后李氏曰天元聖皇太后又立宣帝天元皇后湯氏為天元太皇太后又尊所生母天元后朱氏為天元太皇太后皇后元氏為天后太皇后天元皇后陳氏天元太皇后

唐中宗神龍元年正月即位上天后尊號為則天大聖

六月以時屬炎暑恐則天皇后勞於臨御遂罷十日一外朝更以朔望為常儀

玄宗開元四年正月戊寅朔帝御正殿受朝賀禮畢親朝太上皇于西宮

肅宗時太上皇居興慶宮每日問安寢門聖皇以時至大明宮

問皇帝及太上皇移於大內帝更選後宮為聖皇所愛者百餘人赴西宮備灑掃又令萬安咸宜二長公主入侍養服御饌食窮以珍奇加於常日皇帝問安如舊

憲宗永貞二年春正月丙子朔帝率百寮於興慶宮奉冊上太

上皇尊號

臣欽若等曰
事在尊號門

元和元年三月乙丑中書門下上表請尊太上皇后王氏為皇太后詔依

穆宗以元和十五年正月即位帝母憲宗貴妃郭氏是年閏月乙卯詔曰朕光膺寶歷正位宸居大行皇帝貴妃尊冠六宮母臨萬國謹上尊號曰皇太后

敬宗寶曆二年十二月戊申始聽政尊皇太后曰太皇太后聖母王氏為皇太后

文宗即位尊聖母蕭氏為皇太后

太和元年五月壬戌朔帝赴興慶宮起居太皇太后宗正卿李銳率諸宗屬詣右銀臺門進名起居丙寅帝赴興慶宮上壽中外端午進獻如常歲

四年四月以有司貢新瓜獻赴興慶宮奉太皇太后及皇太后并分賜十宅諸王以下初有司以帝命送諸宮時歲餼味雖太后之尊一槩以賜為名帝始即位嘗因內園進櫻桃將以賜三宮太后帝曰焉可以為賜因援筆易其文簿曰奉太后自是以為常十一月己亥日南至帝由複道謁太皇太后寶曆太后于興慶宮

五年正月庚子朔以陰雨連旬罷元會之禮帝復道朝賀太皇太后於興慶宮

六年正月乙未朔以久雪廢元會帝赴興慶宮起居太皇太后義安太后

宣宗即位尊母郭氏為皇太后

僖宗即位尊聖母王氏為皇太后

哀帝二年五月有司脩皇太后宮畢中書奏皇太后慈惠臨人寬仁馭物景叶倪天之兆克彰誕聖之符今輪奐新宮規模舊典崇訓既徵於信史積善宜顯於昌期太后宮請以積善為名從之

後唐莊宗即位尊母曹氏曰皇太后又冊武皇夫人劉氏為太妃同光中詔曰皇太后母儀天下子視群生當別建宮闈顯標名號異其稱謂益表尊嚴宜以長壽宮為名

三年正月甲午朔皇太后生辰帝御嘉慶殿召諸王家宴極歡而罷

閔帝即位尊明宗皇后曹氏曰皇太后又冊王氏為皇太妃晉少帝嗣位冊高祖皇后李氏為皇太后尊母王氏為皇太妃漢隱帝即位尊高祖皇后李氏為皇太后

尊師

周禮師氏以媿詔王傳曰詔於天子無北面又曰當其為師則弗臣然則尊賢貴德承師問道屈萬乘之重明五學之義上以達經國之要下以得化人之本是知尊師重傳則法度存雖曰

聖人必由學也嚴恭之道於是在焉若乃尊其爵位委以樞要厚師臣之遇執弟子之禮或不名以示息或乞言以敦教生則優其俸祿殊則蒙其渥澤至於幸第以存問變服以臨第皆所以成主善之美由諮德之旨誠帝者之儀範也故曰雖天子必有尊也斯之謂歟

神農師悉謂悉姓謂名

黃帝師大撓如撓祚甲子者一云學乎大真

顓頊師伯夷父一云學乎大真

帝嚳師伯招一云學乎赤松子

帝堯師子州支父一云學乎尹壽

帝舜師許由一云學乎務成跗

夏禹師大成摯一云學乎西王國

商湯師小臣即伊尹也

高宗學先王之道於甘盤甘盤賢臣有道德者

周文王既為西伯師呂尚東海上人蓋嘗窮困年去矣以漁釣

奸西伯事具宰輔佐命門西伯語大說曰自吾先君太公曰當有聖人

適周以興子真是邪吾太公望子父矣故號之曰太公望立為

師一云學乎錫疇子斯

武王欲脩文王業東伐以觀諸侯師行師尚父即太公望也師之尚之也之故

曰師尚交父亦男子之美號及踐阼召師尚父而問焉曰昔皇帝顓頊之道

存乎意亦忽不可得見與師尚父曰在丹書王欲聞之則齋矣

王齋王日端冕師尚父以端冕奏書而入負屏而立王下堂南

面而立師尚父曰先王之道不比面王行西折而南東面而立師尚父西面道書之宮

成王以周公為大師公薨成王葬於畢不敢臣周公故使近文王之墓

漢昭帝時光祿大夫給事中蔡義以韓詩進授帝數歲拜為少

府遷御史大夫代楊敞為丞相封陽平侯義為丞相年八十餘

短小無鬚眉貌似老嫗行步俛僂即俯字也常兩吏扶夾廼能行時

大將軍霍光秉政議者或言光置宰相不選賢苟用同顯制者

顯與專同光聞之謂侍中丞右及官屬曰以為人主師當為宰相何

謂云云云云衆語謂有不選賢之言也此語不可使天下聞也又帝賢為博士

給事中以詩進授帝稍還光祿大夫詹事至大鴻臚宣帝即位

以先帝師甚見尊重

侯鄭寬中有顏子之美質抱商偃之文學論語云文學子游子夏商子夏名偃子游

名儼然總五經之妙論歷師傅之顯位入則陳唐虞之闕道王

法納乎聖德闕大也言陳聖王之法聞於天子出則參冢宰之重職功烈施乎

政事退食自公私門不開退食自公召衛羔羊詩之辭書貶退所食之祿而從至公之道也散

賜九族田畝不益德配周召忠合羔羊未得登司徒有家長司徒

掌禮教之臣言寬中學行堪為也卒然早終尤可悼痛臣愚以

為宜加其葬禮賜之令謚令善也以彰尊師褒賢顯功之德鴻嘉

中張禹老病乞骸骨帝加優再三廼聽許賜安車駟馬黃金百

斤罷就第以列侯朝朔望位特進見禮如丞相置從事史五人

益封四百戶天子數加賞賜前後數千萬禹雖家居以特進為

天子師國家每有大政必禹定議大將軍王根害禹寵數毀惡

之

惡謂言其過惡

天子愈益敬厚禹每病輒以起居聞

謂其飲食寢

車

駕自臨問之帝親拜禹牀下

平帝年幼選置師友大司徒孔光以明經高行為孔氏師京兆尹金欽以家世忠孝為金氏友

後漢明帝為太子時桓榮以少傅授太子經學及即位尊榮以師禮甚見親重拜二子為郎榮年踰八十自以衰老數上書乞身輒加賞賜乘輿常幸太常府令榮座東面設几杖會百官驃騎將軍東平王蒼以下及榮門生數百人天子親自執業每言輒曰太師在是既罷悉以大官供具賜太常家其恩禮若此

永平二年三雍初成拜榮為五更每大射養老禮畢帝輒引榮及弟子升堂執經自為辯說乃封榮為關內侯食邑五千戶榮每疾病輒遣使者存問太官大醫相望於道及篤上疏謝恩讓還爵土帝幸其家問起居入街下車擁而前撫榮垂涕賜以牀茵帷帳刀劍衣被良久乃去自是諸侯將軍大夫問疾者不敢復乘車到門皆拜牀下榮卒帝親自變服臨喪送葬賜冢營于首山之陽除兄子二人補四百石其講生八人補二百石其餘門徒多至公卿

晉明帝即位以東宮時師傅尤宜盡禮乃下詔曰朕以不德夙遭閔凶猥以眇身託于王公之上哀榮在疚靡所諮仰憂懷惴惴如臨于谷孔子有云故雖天子必有尊也朕將祇奉先師之禮以諮有德太宰西陽王名秩尊望重任貴思降丞相武昌公姓司空即丘子王體道高邈勲德兼備先帝執友朕之師傅太

常安陽侯訓保朕躬忠肅篤誠夫崇親尊賢先帝之重朕見四君及書疏儀體一如東宮故事

後魏明帝在藩邸時梁越以上大夫授諸皇子經書及即位以師傅之恩賜爵祝阿侯

大武為監國時盧醜以篤學博聞授經後以師傅舊恩賜爵濟陰公

宣武為太子時孫惠尉侍講東宮及即位之後仍在左右敷訓經典延昌二年追賞侍講之勞封棗彊縣開國男食邑三百戶後周武帝少嘗受業於盧光及即位以光為陝州總管府長史卒贈賻有加常典贈太子少保

唐玄宗為太子時褚遂良以國子祭酒侍讀及即位加右散騎常侍與秘書監兼昭文館學士馬懷素同為侍講每次閣門則令乘肩輿以進上居別館以路遠則命宮中乘馬或親自送迎以申師傅之禮開元六年懷素卒帝為之舉哀廢朝一日贈潤州刺史錫三百段米粟二百石喪事所須並官給八年褚遂良卒帝震悼久之謂宰相宋璟蘇頌等曰遂良碩儒且有德業朕早所師習每用尊崇三史九經前言往行有可以裨益時正規正朕躬未曾不造膝切論所聞其屬續之時唯以修書為意永念其逝實軫于懷庶事宜皆優厚

德宗居春宮張涉為侍讀及即位之夕召涉入宮庶政小大皆咨之恩禮甚崇多所弘益

尊乳保

禮曰國君世子生三日卜士之妻大夫之妾使食之又曰擇於諸母必求其寬裕慈惠溫良恭慎而寡言者以為保母皆居于室蓋所以資保阿之力育瑞聖之體如渭城淮陽厥功茂焉厚賞其子錫之公田亦無爽古三年勞賜之義也降及東漢其禮益厚元魏之世至有僭母后之號濫陵寢之名者亦已甚乎故當以義斷恩以禮制事而取厥中焉

漢武帝少時東武侯母常養帝帝後號之曰大乳母率一月再朝朝奏暮入有詔使幸臣馬游卿以帛五十疋賜乳母又奉飲食養乳母乳母上書曰某所有公田願得假借之帝曰乳母欲得之乎以賜乳母乳母所言未嘗不聽有詔得令乳母乘車行馳道中當此之時公卿大臣皆敬重乳母乳母家子孫奴從者

橫暴長安當道掣頓人車馬奪人衣服聞於中不忍寘之法有司請徙乳母家室處之於邊奏可即日見辭去時有所幸倡郭舍人疾言督之曰咄老女子何不疾行陛下已壯矣寧尚須汝乳而活耶帝悲之乃下詔止無徙乳母

宣帝生數月以武帝曾孫坐衛太子事繫郡邸獄故廷尉監丙吉知太子無事實重哀曾孫無辜擇謹厚女徒令保養曾孫置間燥處間寬淨也燥高敞也吉治巫蠱事連歲不決曾孫病幾不痊者數

焉吉數勅保養乳母加致醫藥視遇甚有恩惠及帝即位吉絕口不道前恩地節三年掖庭宮婢則臣欽若等曰則婢名也史失其姓令民夫

上書自陳有阿保之功謂未為宮婢時有伯夫在民間辭引吉吉謂則曰汝嘗

坐養皇孫不謹督咎汝安得有功督謂視察之獨渭城胡組徵卿有

思耳分別奏組等供養勞苦狀詔吉求組徵卿已死有子孫皆受厚賞詔免則為庶人賜錢十萬

後漢安帝封汝母王聖為野王君

聖母保養之勤緣思於安女伯榮出入宮掖傳道姦詔司

從震上疏曰臣聞政以得賢為本理以去穢為務是以唐虞俊人在官四凶流放天下咸服以致雍熙方令九德未事嬖幸充

庭阿母王聖出自賤微得遭千載奉養聖躬雖有推燥居濕之勤前從賢惠過報勞苦而無厭之心不知紀極外交屬託擾亂

天下損唇清朝塵玷日月書戒牝雞詩刺哲婦牡鳴喪國昔鄭嚴公從母氏之欲恣驕弟之情幾至危國然後誅討春秋貶之

以為失教夫汝子小人近之喜遠之怨實為難養易曰無攸遂在中饋言婦人不得與知正事也宜速出阿母令居外舍斷絕

伯榮莫使往來今恩德兩隆上下俱美推陵下絕婉妾之私割不忍之心番神萬機戒慎拜爵咸省猷御損節徵發令野無鶴

明之歡朝無小明之誨大東不與於今勞止不怨於下擬蹤往古比德哲王豈不休哉奏御帝以示阿母寺內侍皆懷忿惠余

具宰輔諫諍門

順帝封乳母宋娥為山陽君邑五千戶初帝自太子廢為濟陰

王娥與黃門孫成等共議立帝帝復以娥前有謀遂封之

靈帝封乳母趙嬈為平氏君

其後蔡邕上屬曰前者乳母趙嬈貴重天下生則貲藏伴於天府死

則立墓踰於園陵兩子受封兄弟典郡疏具諫臣直諫門

晉元帝興乳母阿蘇有乳保之功賜號保聖君

成帝以乳保母周氏有阿保之功欲假其名號內外皆奉詔侍

中顧和獨上疏以為周保佑聖躬不遺其勲第舍供給擬於戚

屬恩澤所加已為過隆若假名號記藉未見比惟漢靈帝以乳

母趙嬈為平氏君此末代之私恩非先代之令典若君舉必書

將軌物垂則書而不法後嗣何觀帝從之

後魏大武始光三年尊保母竇氏曰保太后延和元年尊為皇

太后初竇氏以夫家坐事與二女俱入宮操行純備進退以禮

明元命為帝保母性仁慈帝感其恩訓奉養不異所生既尊為皇太后又封其弟偏頭為遼東王竇氏訓釐內外甚有稱聲性恬素寡欲喜怒不形於色好揚人之善隱人之過帝征涼州蠕蠕吳提入寇太后命諸將擊走之太平真君元年詔太保盧魯元監護喪事天下大臨三日謚曰惠葬崞山從后意也初后常登崞山顧謂左右曰吾母養帝躬敬神而愛人若死而不滅必不可為賤鬼然於先朝本無位次不可違禮以從園陵此山之上可以終託故葬焉別立后寢廟於崞山建碑頌德

文武帝初立尊保母常氏為保太后興安二年三月尊為皇太后常氏本遼西人因事入宮乳帝有劬勞保護之功累尊為皇太后其兄英字世華自肥如今超為散騎常侍鎮軍大將軍贈

爵遼西公弟喜拜鎮東大將軍祠曹尚書帝方公三妹皆封縣君妹夫王睹為平州刺史遼東公追贈英祖父扶風太守玄為鎮西將軍遼西蘭陵公父渤海太守澄為侍中征東大將軍太宰遼西獻王英母許氏博陵許氏遣太常盧度世持節改葬獻王於遼西樹碑立廟置守冢百家太安初英為侍中征東大將軍大宰進爵為王喜左光祿大夫改封燕郡從兄泰為安吏將軍朝鮮侯訢子伯夫散騎常侍選部尚書子員金部尚書喜子振太子庶子三年英領太師評尚書事內都大官復受泰等州刺史五年詔以太后母宋氏為遼西王妃和平元年喜為洛州刺史初英事宋不能謹而睹奉宋甚至就食於和龍無車牛宋疲不進睹員宋於笈至於宋與英等薄不如睹之篤謂太后曰

何不王睹而黜英太后曰英為長兄門戶生也家內小小不順何足追計睹雖盡力故是他姓柰何居英上本州郡公亦是報耳天安中英為平州刺史訴為幽州刺史伯夫進爵范陽公英濁貨徒燉煌諸常自與公及至是皆以親踈受爵賜田宅時為隆盛後伯夫為洛州刺史以贓汙欺妄徵斬于京師和平葬于廣甯笄山俗謂之雞鳴山太后遺志也詔天下太臨三日依惠太后故事別立寢廟置守陵二百家樹碑頌德

唐中宗神龍元年封乳母于氏為平恩郡夫人

玄宗天光二年五月太上皇誥曰皇帝乳母蔣氏莫氏等行籍柔良公惟靜順襁褓祇事夙効於勤勞井邑分封宜申於寵命蔣氏可封吳國夫人莫氏可封燕國夫人是歲九月制曰燕國

元帝為太子時孔霸以太中大夫以選授皇太子經遷詹事高

密相

是時諸侯王相在郡守上

帝即位徵霸以師爵賜閔內侯食邑八百戶

號褒城郡

為帝師教今成

給事中加賜黃金二百斤第一區徒

名數于長安及薨帝素服臨弔者再至賜東園秘器錢帛策贈以列侯禮謚曰烈君

初元中制詔御史之國將與尊師而重傳故前將軍望之

蕭姓傳

朕八年道以經術厥公茂焉其賜望之爵閔內侯食邑六百戶給事中朝朔望坐次將軍

周堪初為太子少傅及帝即位堪為光祿大夫與蕭望之並領尚書事

歐陽地餘初為元帝太子中庶子授經為博士論石渠及帝即

位侍中貴幸至少府

成帝為太子時張禹鄭寬中皆授經於帝及即位以師錫爵關內侯寬中食邑八百戶禹六百戶拜為諸吏光祿大夫秩中二千石給事中領尚書事

建始鄭寬中卒谷永上疏曰臣聞聖王尊師傳褒賢雋顯有功

生則致其爵死則異其禮謚者周公薨以變禮而當天心周公死

王欲葬之於成周天方雷雨以周畫偃大木斯拔國大恐王乃葬周公於畢示不敢臣也事見尚書大傳而與古文書不同

公叔文子卒衛侯加以美謚著為後法公叔文子衛大夫公以發也天子卒其子謂謚

於君君曰昔者衛國凶饑夫子為粥與國之餓者不亦惠乎衛國有難夫子以其外衛寡人不亦身乎夫子聽衛國之政修其

班制以興四隣交衛國社稷不辰不亦文子謂夫子身意文子近事大司空未邑右扶風翁歸

德茂天年孝宣皇帝愍冊厚賜贊命之臣靡不激揚贊佐閔內

夫人竇氏慈慧和順常執禮經女憲母師獨高柔則朕在孩幼躬

勞乳養遠惟息意寧忘夙昔瞻既往而莫追見如存而永慕撫

渭城之事未足為言視南陽之書益增其感俾錫朝寵徽申朕

懷俸料祿課等一准職事三品給

代宗大曆八年六月勅曰古者緣情立禮著慈母之制蓋聖人

示德無不報之理而漢宣帝亦追錄掖庭郡邸常有阿母之勤

以功深淺並授封賞記于前典歷代同之故妳婆元氏朕在襁

褓其撫育推動就濕慈愛特深可謂仁人厚惠茂德者矣可贈

潁川郡大夫人

憲宗元和五年十月贈保母盧氏為燕國夫人

哀帝天祐二年九月勅妳婆楊氏可封昭儀妳婆王氏可封郡

夫人第二奶婆王氏先昭宗皇帝封郡夫人令准楊氏例改封

中書門下奏曰伏以奶婆楊氏等保持夙宵善養勞苦且隆恩

澤以報勤劬竊以身軀恭詳合陳管見臣聞周制宮戚夫人只

列三人漢氏後宮之後十有四位元帝時置昭儀位視丞相秩

比諸侯王至於列妾縱稱夫人亦無裂土割郡之號以乳母郭

徵卿胡維著保養宣帝之功後子孫只受厚賞而無封爵之號

且帝外祖母封禪平君非乳母之例後漢順帝封阿母宋氏為

山陽君則致漢陽地震安帝時封乳母三聖為野王君亦致地

震京師其時中書上言亦以封爵過當乃貽厥咎非叶高祖山

河之約至晉室中興乳母阿蘇有保元帝之功賜號保聖君

既非爵邑又彰其功受擇美名在理甚當至高齊陸令萱以乾

阿奴援封那君尋亂制度中宗神龍元年封乳母于氏為平恩

郡夫人景龍四年封尚食高氏為脩國夫人封爵之失始自於

此後睿宗朝駕躡軒轅當時無復紀綱歷載寢為純弊伏以陛下

重其寶運再聞丕圖奉高祖太宗之舊規行往代前賢之故事

克臻至道以顯中興庶彙提綱衆務畢舉今者進封保母為郡

夫人再至加恩遂至封國夫人竊以婦人無爵從夫之爵以賞

功勳則命爵又四方多事萬注意功卿以勳勞昭著者室家爵

邑自郡夫人今則宣授乳母為郡夫人加恩必及列土朝廷人

柄以爵祿為主命爵不定其定差則天下之人無以為貴以為

貴功則封比礪山榮室則爵同乳母臣等竊願有室家者實耻

之况四海九州之內有功劳安社稷勳賢得不對家室慙於所

命之爵其所封乳婆楊氏王氏臣等忝詳望賜釐華雖居濕推
燥卑彰保養之勤但昨土分茅且異疏封之例况昭儀內侍燕
寢位列宮嬪夫人則垂列妃嬙供奉左右竊按儀禮乳母總以
其名母方有總麻服今則不可以嬪御之號增榮於阿保揆於
禮文有乖事体宜加著体當樹鴻私永示規程以服黎庶臣等
商量奶婆楊氏望賜號安聖君奶婆王氏望賜號福聖君第二
奶婆王氏望賜
號庶聖君從之

周太祖廣順一年九月癸未制曰敦叙九族禮綏六親生者賜

其寵靈沒者優其追贈哲王茂典歷代芳規故南陽郡韓氏婉

淑居真賢明垂範奉嬪率禮興家道於仁孝之基諸母推恩撫

朕躬於幼冲之歲朝露溘先而奚速慶雲華蔭以彌高宜洽明

恩追崇大典式是載揚之美寧攄欲報之情庶俾後昆永覃清

懿噫嘻貞魂享此儀章可追封楚國大夫人是時太祖孩幼而

孤楚國撫視教導有恩故有是命

新刊監本冊府元龜卷第三十八

新刊監本冊府元龜卷第三十九

帝王部

睦親

傳曰君子篤於親而民興於仁蓋先王因親以教愛自家邦而達天下也高辛而上書記靡詳若夫唐堯親族虞帝大孝夏禹拜敷叙之言商書垂立愛之訓周家忠厚內睦九族二帝三代以來何莫由斯也已厥後令王率循茲道乃有賜高年之典隆閨門之禮慰撫思念發於志誠卹孤振滯形於軫惻逮於弛甸人之戾續宗正之籍錄其孤息歸其則壤親親之思斯為至矣其帝者之盛德歟

唐堯克明俊德以親九族

能明俊德之士任用之以睦高祖玄孫之親

九族既睦平

章百姓既已之百姓百官言化九族而平和章明

周成王燕兄弟召公作唐棣之詩而歌以親之其詩曰唐棣之

華鄂不韡韡承華者曰鄂鄂足得華之光明則韡韡然盛喻又弟以敬事兄兄以恭履弟思義之顯亦韡韡

燕宗室同姓諸侯作湛露之詩曰湛湛露斯在彼豐草厭厭夜

飲在宗載考湛湛露盛貌豐草喻同姓諸侯也夜飲之禮莊宗室同姓諸侯則成之

漢文帝四年五月復諸侯有屬籍家無所與賜諸侯王子邑各

二千戶

武帝初即位方好藝文以淮南王安屬於諸父安於武帝服屬為從父叔父

辯博善為文辭甚尊重之每宴見說得失及方技賦頌昏暮然

後罷元朔二年賜几杖不朝

城陽王子福為海常侯坐法失爵武帝平閩粵封福為繚婁侯

從軍無功以宗室故侯

樹山王賜淮南王安之弟也安謀反賜當坐收有司請逮補衡

山王帝曰諸侯各以其國賜不當相坐

建元三年諸侯王來朝帝初即位大臣多冤毘錯之策皆以諸

侯連城數十太強欲稍侵削數奏暴其過惡諸侯王自以骨肉

至親先帝所以廣封連城犬牙相錯者為盤石宗也今或無罪

為臣下所侵辱有司吹毛求疵笞服其臣使證其君多自以侵

冤至是天子置酒中山王勝聞樂而泣因言群居黨議朋友相

為使夫宗室擯部骨肉水什於是帝乃厚諸侯之禮著有司所

奏諸侯事加親親之恩焉

元光元年四月復七國宗室前絕屬者

昭帝後元二年二月即位七月賜長公主及宗室昆弟各有差
始元二年以宗室母在位者舉茂林劉辟彊劉長樂皆為光祿
大夫辟彊長樂衛尉長樂官之衛尉也

宣帝地節元年六月詔曰蓋聞堯親九族以和萬國朕蒙遺德奉
承聖業惟念宗室屬未盡而以罪絕若有賢材改行勸善其後
屬使得自新

甘露三年烏孫楚王解憂上言年老思土願得歸骸骨葬漢地
天子閔而近之公主與烏孫男女三人俱來至京師公主年月
七年賜以公第田宅奴婢奉養甚厚朝見儀比公主後二歲卒

三孫因留守墳墓臣欽若等曰解憂楚王戌之孫也

成帝即位以淮陽王欽屬為叔父敬寵之異於它國王上書自

陳舅張博時事頗為石顯等所侵因為博家屬徙者求還丞相
御史復劾欽前與博相遺私書指意非諸侯王所宜蒙恩勿治
事在赦前不悔過而復稱引自以為直失藩臣禮不敬上加恩
許王還徙者

建始二年秋罷太子博望苑武帝為衛太子作此苑今受賓客也以賜宗室朝請

者

平帝元始元年詔宗室為吏舉廉佐史補四百石言宗室為吏者皆合率廉

各從本秩而依廉吏遷之為佐史孝例補四百石

後漢光武建武二年十二月詔曰惟宗室列侯為王莽所廢先
靈無所依歸朕其愍之其並復故國若侯身已歿屬所上其子
孫見名尚書封拜屬所謂侯子孫所屬之郡縣也錄其見名上於尚書封拜之

十三年二月詔宗室及絕國封侯者凡一百三十七人

明帝時廣陵王荆有罪自殺帝封荆子元壽為廣陵侯服玉璽綬食荆故國六縣又封元壽弟三人為卿侯明年帝東巡狩徵元壽兄弟會東平國班賜御服器物又取皇子輿馬悉以與之濟南王康在國不循法度交通賓客其後人上書告康招來州郡姦猾漁陽顏忠劉子產等又多遺其繒帛案圖書謀議不軌事下考有司奏之帝以親親故不忍窮究其事但削祝阿濕陰

東朝陽安德西平昌五縣

建初八年章帝復還所削地

永平四年四月楚王英以罪自殺帝制誥英母許太后曰國家始聞楚事幸其不然既知審實懷用悼灼庶歆宥全王身令保卒天年而王不念顧太后竟不自免此天命也無可柰何太后

其保養幼弱勉飲食諸許願王富貴人情也已詔有司出其有謀者令安田宅許太后薨復遣光祿大夫持節吊祠留護喪事賻錢五百萬及遣謂者備王官屬迎英喪改葬彭城加王赤綬羽蓋華藻如嗣王儀追爵謚曰楚厲侯帝幸彭城見英夫人及六子厚加贈賜

章帝建初三年帝饗衛士於南宮因從皇太后周行掖庭池閣

乃閱陰太后舊時器服愴然動容乃留五時衣各一襲

五時衣謂春青

夏朱季夏黃秋白冬黑也衣單復具曰襲

及常所御衣合五十篋餘悉分布諸王王

及子孫在京師者各有差特賜東平憲王蒼及琅邪王京書曰中大夫奉使親聞動靜嘉之何已歲月驚過山陵浸遠孤心悽愴如何如何聞饗衛士於南宮因閱視舊時衣物聞於師曰其

物存其人亡不言哀而哀自至信矣惟王孝友之德亦豈不然

今送光烈皇帝假紵帛各一周禮追思掌王后之首服為副副編鄭玄云副婦人首服三輔謂謂

假紵續漢書帛字作阜及衣一篋可時奉瞻以慰凱風寒泉之思詩凱風

美孝子也凱風自南吹彼棘心棘心天母氏劬勞爰有寒泉在浚之下有子七人母氏勞苦寒泉在今濮州濮陽縣又

欲令後生子孫得見先后衣服之製今魯國孔氏尚且仲尼車

輿冠履明德盛者光靈遠也孔子廟在魯曲阜城中白緝之從

中是顏路所諸者也獻帝時廟遇火燒之冠履解見鍾難意傳其武皇帝器服中元二年已賦

諸國故不復送并遺宛馬一疋血從前膊上下孔中出常聞武

帝歌天馬霑赤汗今親見其然也前書天馬歌曰太一况天

黠虜尚屯將帥在外憂念遑遑未有間寧願王寶精神加供養

若言至戒望之如渴六年蒼王疏求朝明年正月帝許之特賜

裝錢千五百萬其餘諸王各千萬帝以蒼冒涉寒露遣謁者賜

貂裘及太官食物珍果使大鴻臚竇固持節郊迎帝乃親自

循行邸帝豫設帷牀其錢帛器物無不克備下詔曰禮伯父歸

寧乃國詩云叔父建爾元子敬之至也昔蕭相國加以不名優

忠賢也况無親尊者乎其濟南東平中山西王讚皆勿名蒼既

至升殿乃拜天子親答之七年大鴻臚奏遣諸王歸國帝特留

東平王蒼賜以秘書列遷圖道術方秘至八月飲耐畢有司復

奏遣蒼乃許之手詔賜曰骨肉天性誠不以遠近為親踈然數

見顏色情重昔時念王父勞思得還休欲署大鴻臚奏不忍下

筆顧授小黃門中心恋恋惻然不能言於是車駕祖送流涕而

訣復賜乘輿服珍寶輿馬錢布以億萬計

和帝永光十五年幸章陵祠奮宅會宗室於奮廬勞賜作樂
元興元年宗宣以罪絕者悉復屬籍

安帝元初六年任城國相行弘奏王安輕易貪吝請廢之常不
忍以一歲租五分之一贖罪

順帝陽嘉元年詔宗室絕屬籍者一切復籍質帝即位還王侯
所削戶邑

靈帝熹平二年愍王寵嗣陳王國相師遷追奏前相魏愔與寵
共祭天神希幸非異罪至不道有司奏遣使者案驗是時新誅
渤海王悝帝不忍復加法詔檻車傳送愔遷詣北寺詔獄使中
常侍王酺與尚書令侍御史雜考愔辭與王共祭黃老君求長
生福而已無他冀幸酺等奏愔職在規正而所為不端遷誅告
其王以不道皆誅死有詔赦寵不案

中平三年黃巾賊起甘陵王忠為國人所執既而釋之帝以親
親故詔復忠國

魏太祖時族子真字子丹少孤帝愛之收養與諸子同使與文
帝共止

明帝太和五年八月詔曰古者諸侯朝聘所以敦睦親親協和
萬國也先帝著令不欲使諸王在京都者謂幼主在位母后攝
政防微杜漸閔諸盛衰也朕惟不見諸王十有二載悠悠之懷
能不興思其令諸王及宗室公侯各將適子一人朝後有少主
母后在宮者自如先帝令申明著于令

景初中詔曰陳思王植雖有過失既克已慎行以補前闕且自

少至終篇藉不離于手誠難也其收黃初中諸奏植罪狀公卿已下議尚書中書秘書三府大鴻臚者皆削除之撰錄植前後所著賦詩銘雜論凡百余篇副藏內外

晉明帝即位西陽郡王羲放縱兵士劫鈔所司奏免羲官詔不問

恭帝時庾戍有制不得藏戶彭城王玄叡王戶桓溫表玄犯禁收付廷尉既而宥之

後魏道武即位秦明王翰子儀以事賜死儀子纂五歲帝命養於宮中思與諸皇子同時襲衛王子儀坐車賜死道武欲敦宗親之義詔引諸王子第入宴常山王素等二十餘人咸謂與衛王相坐疑懼皆出逃遁將奔蠕蠕唯陳留王崇獨至帝見之甚悅厚加禮賜遂寵敬之素等於是亦安

明元永興四年十一月賜宗室近屬南陽王以下至於總麻之親布帛各有差

大武常顧樂安王範之長子良曰兄弟之子猶子也親撫養之長而壯勇多知常參國太計

獻文時崇舊齒拜華山王鷲曾孫襄陽侯外都太官甚優重

孝文大和十一年五月詔復七庙子孫及外戚總麻已上賦役無有所與

十七年三月壬戌宴四庙子孫於宣文堂帝親與之齒行家人之禮又嘗宴王公侍臣於清微堂命黃門郎崔光郭祚通直郎

邢昺崔林等賦詩言志燭至公卿辭退李冲再拜上千萬歲壽
帝曰卿向以燭至致辭復獻於千萬之壽朕報卿以南山之詩

帝曰燭至辭退庶姓之禮在宗載考宗族之義卿等且還朕與

諸王宗室欲成此夜飲

又云孝文詔延四廟之子下逮玄孫之
曹甲宗宣於皇信堂不以爵秩為列悉

序昭穆為次
國家人之禮

汝陰王天錫景穆之子坐貪殘削除官爵卒帝哭於思政觀贈
本爵葬從王禮

南安王楨出為相州刺史帝餞楨於華林都亭詔曰從祖南安
既之藩任將曠千里予懷閔恻然今者之集雖曰分歧實為曲
宴並可賦詩申意射者可以觀德不能賦詩者可聽射也當使
武士弯弓文人下筆孝文宋楨於階下流涕而別楨坐事削除

母劉大妃帝孝文親幸臨慰及葬贈布帛綠五百段

齊郡王簡文成第四子帝常與簡俱朝元明太后於皇信堂簡

居常之右行家人禮遷太保孝文仁孝以諸父零落存者唯簡

每見立以待之候坐致敬問起居停簡拜伏又帝將議變華舊

風大臣有難色又每引劉芳郭祚等密與規謨共論時政國戚

謂遂踈已快快有不平之色乃令陸凱私喻之曰至尊但欲廣

知前事直當問其故式耳終無親彼而相疏也國戚舊人之意

乃稍乎遷洛改宮制服飾禁絕舊言東陽公丕皆所不_去帝亦

不逼之但誘示大理令其不生同異至於衣冕已行朱服列位

而不猶常服列在坐隅晚乃稍加帶而不能脩飾容儀帝以丕

年衰體重亦不強責及罷降非道武子孫及異姓王者雖馭於

公爵而利享封邑亦不減

獻文子雍為高陽王帝時幸雍第皆盡家人之禮

北海王詳獻文之子領司徒侍郎錄尚書事別住華林之西隅與都停官館密迓相接亦通後門帝每潛幸其所肆飲終日其寵如此又詳拜受因其私慶請帝帝頻幸南第御其後堂與高大妃相見呼為阿母伏而上酒禮若家人臨出高每拜送舉觴祝言願官家千萬年壽歲歲一至妾母子舍也

孝明熙平二年八月戊戌宴道武已未宗室年十五已上於顯陽殿用家人之禮

又詔曰皇魏開基道邁周漢禪連二都德盛百祀雖帝祚蕃衍親賢並茂而猶沉屈素里由褐衡門非所謂廣命戚族翼屏王室者也今可依世近遠叙之列位

正光中詔曰周德崇厚秦仲享國漢道仁恕淮南畢王皆所以申恩赦戚蠲滲舊穢義彰曩業詠流前史頃者咸陽京兆王自貽禍敗事由間惑猶有可矜兩門諸子並可聽附屬藉

中山王熙弟略以熙舉兵遂奔梁梁用為宣城太守俄而徐州

刺史元法僧據城南叛州內庶士皆為法僧擁逼梁武乃以略為大都督令詣彭城接訪初略至屯於河南為樂安王監所掠唯數千騎入城梁尋遣其豫章王綜鎮徐州徵略與法僧同還

雖在江南自以家禍晨夜哭泣與法僧言未嘗一笑梁復除略衡州刺史未行會綜以城歸國綜長史汪革司馬祖將士五千人悉見繪虜孝明勅有司悉遣革等還南因以徵略梁乃備

禮遣之略之行還也梁為置酒餞別賜金銀百斤梁之百官悉送別江上遣其右衛徐確率百餘人送至京師孝明詔光祿大夫刁雙境首勞問又勅徐州賜絹布各千疋除略侍中義賜王食邑一千戶還達石人驛亭詔宗室親黨內外百光先相識聽迎之近郊賜帛三千疋宅一區其司馬始賓除給事中領直後粟法光本縣令刁昌東平太守刁雙西兗州刺史其略所至一食一宿之處無不霑賞尋改封東平王

孝昌二年閏十一月詔曰頃舊京淪覆中原喪亂宗室子女屬藉在七廟之內為雜戶濫門所拘辱者悉聽離絕

陸昕之尚獻文女常山公主無男以昕之從兄道第四子彰為後彰妻即威陽王禧女禧誅養彭城王弟莊帝親之略同詔姊

西魏文帝大統七年十二月御馮雲觀引見諸王叙家人之禮手詔為宗誠十條以賜之

後周大祖姊建安長公主子賀蘭祥年十一而孤居喪合禮長於舅氏特為帝所愛

邵惠公顥第二子導之子廣曾侍食高祖所食瓜持以奉進高祖悅之

隋高祖時河間王弘字辟惡帝從祖弟也父元孫死齊國為周所并弘入關與帝相得帝哀之為買田宅

唐高祖於宗親彌見敦睦遂迎拜揖如家人之禮焉

武德七年四月丙午宴王公親屬於文明殿高祖見長平王太妃以尊屬從家人之禮降階再拜酒小闌徙坐翠華殿帝賦詩

王公遞上壽賜帛各有差

太宗貞觀十年五月丁巳幸濟北公李瑊第敦親親也

十七年二月辛巳朔帝謂侍臣曰前代皇王莫不踈弟愛子唯漢明帝曾賜諸王不令子多於弟良史書之垂美俊彙我罔極之恩情鍾諸弟於是內外諸王同有班賜

五月辛酉改葬元昌及祐以國公之禮元昌母妻子並宥給其

田宅

元相弟太子也初封漢王坐太子承彭事死焉祐太宗第五子也初封齊王亦以交死

十八年三月甲午幸同安大長公主第帝以主春秋高常有風疾故親加省視賜絹五百疋侍主疾者賜絹各有差

膠東公道彥淮安王神通之子丁父憂廬於墓側容貌柴毀帝聞而嘉嘆令侍中王珪就加開喻

河間王孝恭貞觀中為襄州行臺左僕射人或告其謀及者徵還京師為憲司所告赦拜左金紫光祿大夫

高宗貞觀二十二年五月即位諸王及舊在藩者並加其封滿一千戶賜物三千段中馬十疋

彭王元則薨高宗為之舉哀贈司徒荊州都督柩車至京帝復罷朝命百官及諸親就第展哀及發引帝登望春宮望之而哭中宗神龍六年二月詔皇室子孫諸王妃主駙馬等自垂拱已來非命者皆不望殯宜令州縣尋求處所以牲牢致祭仍追復官爵備禮改葬其王並令陪葬昭獻二陵有嗣者即令承襲無嗣者聽取近親為後

三月制曰君臣朝序貴賤之禮斯殊兄弟天倫先後之儀亦異

聖哲之制率由斯道朕臨茲寶極信在崇高負宸當陽雖受宗枝之敬退朝私謁仍用家人之禮近代已來罕遵軌度王及公主曲致私情姑叔之孫拜為子姪違法背禮情用惻然自今已後宜從革弊安國相王及太平公主更不得輒拜兄弟及長寧公主姊妹等先告宗屬知朕意焉

先是諸王公公主皆以親為貴天子之子諸臣叔見

者必先拜告致啟事帝志欲敦叙親族收下制以革斯俗

睿宗 龍元年七月制曰皇后公主既尊且親有遷去之義無戮辱之典倉卒之時亂兵所及致不以禮深用撫然宜矜罪戾且慰泉壤常氏可一品禮葬悖逆廢人可三品禮葬所司准譙王重復以反逆謀睿宗詔曰集州刺史譙王重福幼則克頑長而險陂幸託體於先聖常通交於巨逆不臣不子自絕於天有

國有家莫容於伐往者頗不含忍下令幽繫自大行宴駕常氏臨朝將肆屠滅尤加防衛洎天有成命集于朕躬永懷猶子之情庶可先親之義所以開置寮屬在隆刺舉冀其悛改以怙息榮而註誤奸徒狂狡未息便即私出均州詐乘驛騎至於都下遂逞其謀先犯屯兵次燒左掖計窮力屈投河而斃雖人所共棄邦有常刑我非不慈尔自招咎且聞其欲有惻于懷昔劉長既歿楚英遂殞以禮收葬仰惟舊章屈法申息宜仍舊寵可以二品禮葬

玄宗先天二年二月誥曰朕奉天明命虔受睿圖而皇室子弟未能稱職堂姪餘慶承紹宗行淹祚洽再從弟遂志謙等不能謹身奉法而乃輕侮國章擯斥邊隅未為塞責朕閱其愚昧

屈法申息並追赴京令於國子監安置讀書如悔過自新克復先訓所司條奏當議其官皇宗親更有左貶嶺南邊遠州非惡逆緣坐等色亦宜准此其有見任別駕年齒尚幼未堪理百姓者宜委中書門下及新興郡王普李斯訓等簡擇追赴京其祿俸一事已上並本州委勾當每季附送入京分付其餘慶等大州祿亦准此宗親中有才行灼然為衆推揖者校察使宜以名聞朕當推以不次自今後有犯贓私違禮經者准法科處刑無赦庶敦睦之情必聞於九族自家刑國允洽於群心宜各勉勵以職朕意

開元六年十一月丙申玄宗親謁太庙下詔七庙元皇帝已上三祖枝孫恐有失官序者宜各五品京官皇妣諸家有子孫今在選叙者量加甄擇

十一年太原祀后土畢大赦天下皇親中有文武才用堪任使者委宗正其名薦以當有獎擢

十四年勅曰停繼國王禮合停廢以朕近屬特宜並封郡王乃降封再從兄將作大匠嗣江王禕等為郡王禕為廣漢郡王再從叔太子員外率更令嗣密王徹為濮陽郡王再從兄太子員外家令嗣越王踞為中山郡王

十五年七月戊戌幸寧王憲之弟憲誕辰也

二十五年五月辛丑命有司選宗子有才者宗正薦四從叔前奉天令知正四從叔前祁縣令遠志五從弟洛陽尉遇六從弟酸棗承良五從弟武進尉肅五從姪鄭縣尉憺五從姪前宋州

泰軍承嗣皆授臺省官及法官京縣官詔曰至公之用本無偏黨唯善所在豈隔親疎四從叔知正等威有才名見推公族秉惟清之操兼致遠之資朕每慮同盟不動于德嘗懸古職以勸其從先委宗卿精為內舉量能考行歷載踰時名數則多升聞蓋寡光膺是選諒在得人固可擢以清要遷于臺閣將觀志於七子異齊名於八人且各悉行佇聞成績書不云乎九族既睦平章百姓異由內而理外必自近而及遠凡今懿戚可不慎歟違道慢常義無私於王法脩身効節息豈薄於他人期於率先勵我風俗深宜自勉以副明言

七月帝追念故惠宣太子瑗深憫之乃下制曰兄弟之子於近屬而特深恩禮之情在諸孤而更切故惠宣太子男樂共郡王瑗能自砥礪克脩名檢績成先緒休有令聞宜受賜於千室俾傳芳於萬葉可食實封一千戶

天寶三載八月祠九宮禮畢制皇親五等已上及九庙子孫諸親三等已上未出身與出身其前茲者選日積優與處分見任更賜勳兩轉

肅宗至德三年十二月詔持盈尊師及儀王已下各賜物五百疋長公主各與一子官嗣王及郡縣主各與一子六品官皇五等已下及九庙子孫及親等人見任者並與改轉

三年正月大赦詔皇五等已上親及九庙子孫有才學政理委宗正等揀擇聞薦

代宗廣德元年十月吐蕃盜入長安邠王守禮之孫廣武王承

宏竊尊號及京城平糶輿自陝州還京師十二月丙申放廣武王承宏于華州一切不問

德宗以大曆十四年即位詔叔祖穎王已叔彭王已下弟蜀王已下大長公主長公主各與一子京官郡縣主嗣主郡主各與一子出身

建中元年十一月自己卯至庚辰出嫁岳陽信寧安陽襄陵德清南華元城新鄉等縣主初開元中置禮會院於崇仁里自兵興已來廢而不脩公郡縣主不時降嫁殆三十年至有華髮猶悲者雖處內館而不獲覲見帝初即位特謁太廟始與郡縣主相見尊者展其敬幼者申其愛歡歎涕泣感動左右至是皆以時降嫁禮物資送無大小必經聖心戚族老幼無不悲感

貞元元年十一月癸卯日南至上祀昊天上帝于圓丘禮畢詔大長公主各與一子七品官嗣王郡主縣各與一子出身應陪位皇親三品已上賜爵一級四品五品一階六品已下及當選散官等簡選日優與分處

五年七月二月詔郡縣主有正員官停者郡主每季給錢七十千縣主每季給五十千郡縣主聳已亡歿者亦准支給先是其王聳與官罷者頗不自給帝務於敦睦有是命

六年六月以部國大長公主薨其子端州流人蕭位等五人並召還

八年正月壬午詔在京宗室每年三節宜准百官例宴會若大選集賜錢三百千非大選集錢三減一宗室任常參官者同之

順宗初即位赦制曰大長公主嗣王等各與一子官及出身有
差十五員士十員憲宗元和二年春正月南郊赦宗子中有才用者委中書門下
量才叙用

敬宗長慶四年正月即位三月壬子大赦其六宅十宅諸王女
宜令每年於選人中擇端良者降嫁

寶歷二年二月乙卯襄陽公主自西內有勅於歸里第以其男
等有請從之主公先以罪囚於禁中故也

文宗以寶曆二年十月乙巳即位丁巳以絳王薨帝不視朝三
日詔曰叔父絳生為逆賊等援立竊窺大位既無討賊之意遂
使忠義御寇及王師擒妖義於問罪前驅勇氣以致殲死

伏以太皇后慈仁思以慰解宜令有司量事收葬申恩討賊刑
禮之中示于四方以明朕意

太和元年赦詔太后第二等已上親大行皇帝皇太后第一等
親委中書門下量才叙用九庙子孫陪位者各加兩階仍據始
封每王後與一人出身委宗正卿檢尋圖譜取一房最深醫者
克數具名開奏

四年六月勅越王實陷非辜載在國史子孫久廢獎錄所宜付
宗王寺尋勘譜謀如是後嗣具狀聞奏至是宗政奏聞實貞諸
孫勅付宗正寺收入屬籍仍賜陪位出身

七月賜十六宅諸王綾絹二萬疋以內庫克開成元年八月詔
曰朕因暇日常幸戚藩引見諸王爰加賜宴而故信王孫林行

列之問瞞然白首問其年齒則七十而有七詢其昭穆則玄宗之雲孫朕仰思開元之時盛明之理大體承訓迨于朕躬惕然動懷當食與歎况尊祖之義立愛自親尚齒之文由家刑國觀其威儀甚整視聽不衰載懷慙矜所宜敬異永惟烈祖之德用錫孝孫之慶旌其祚裔特舉徽章遽升開府之秩寵以分茅之貴俾從異等式示殊恩可如信王仍賜開府儀同三司初孫自藩邸與寧王憲等交睦既即位外在都督刺史京師立第宅通賓客及在位之久侍之王益天至于天宝未推永王一人出門自是累朝子孫雖曰道不入宮禁帝深恩孰叙之義因有是命

十二月帝於禁中會讌諸王因命講讀劉仲武每雙日入內對諸王仍令尚食供食

二年夏五月壬申帝幸十六宅召教坊樂人五人與諸王宴樂

九月丙戌封故絳王長女為江華縣主故深王第三女為長壽縣主帝敦睦情深自近年公主縣主降者相繼

十月戊戌詔曰書載堯典首陳睦放詩歌周德寔美維城朕嗣統百王憲章二代義雖本於叙族道無愧於尊賢式遵舊章

爰舉成命嘉王循王通等孝敬恭恪敏裕齊莊播蘭蒨之

清芬炳珪王之符采易凌沛獻詩檢楚元古人素風造次於是師氏典訓周旋與之同可以超金紫之貴階升台鉉之崇秩策勲詔爵以寵分茅並可金紫光祿大夫檢校司空賜上柱國仍

依百官例給科錢物檢校吏部尚書安王溶檢校兵部尚書頴

王諱武宗皇帝宜並從百官例賜料錢

三年正月金華縣主臨邑縣主因參賀入內上言家貧帝愍之

各賜錢一百貫綵絹一百疋

四月甲午幸十六宅賜諸王宴頒賜有差

四年春丁卯夜於咸泰殿觀燈作之三宮太后及諸公主並赴宴

六月甲寅故越王貞玄孫女道生玄真進狀曾祖名玕是越王第六男先天年得罪流配嶺南祖父皆亡歿嶺外雖累蒙洗雪未還京師去開成三年十二月內嶺南節度使盧鈞出俸錢接借哀妾三代旅襯暴露各在一方特與發遣歸就大塋合祔今護四喪已到長安旅店權下未委故越王墳所在伏乞天恩允妾所奏許歸大塋妾年已六十三孤露家貧更無所依詔曰越王事迹國史著明枉陷非辜尋已洗雪其子玕他事配流數代

漂零不還京國玄真弱女孝節卓然啓護四喪綿歷萬里况是近族必可加息行路猶或嗟稱朝廷固須卹助委宗正寺京兆府與訪越王墳墓報知如不是臨陵任祔塋下葬其葬事仍令京兆府接借必使備禮葬畢玄其如願住京城便配宜觀安置庚申帝幸其六宅安王頴王院宴樂賜錢各五千貫絹二十疋銀器二十事帝與安王頴王兄弟也故大宴特異

後唐莊宗同光二年二月南郊赦曰宗子維城本枝百代禮既行於配祖情敢忘於睦親應本朝皇親近屬因緣偽梁之遁遐遠並仰所在搜訪如非謬妄即與奏聞到京委宗正寺大勘不虛並與量材叙錄

三年三月丁酉帝宴皇親於復宮之山亭皇子弟如家人之禮

內弟子作樂

明宗同光四年四月即位時河中軍校王舜賢奏節度使李存之今月三日棄城出奔不知所在勅曰寡人允副群情方監國事外安黎庶內穆家親庶諧敦叙之規永保隆平之運一作京師變起禍難存臻於戚屬之間不惻驚奔之所慮因藏竄濫被傷夷言念于茲自然流涕宜令下河南府及諸道應諸王眷屬等昨因變起出奔所至即時津送如不幸物故者即量事收瘞以聞

長興元年七月壬午勅先朝諸王頃因同光末年宮門變起諸王多奔北京沿路為部下所害宜於北京留守尋訪之所在各依品秩禮葬訖奏聞

閔帝應順元年正月陝州康思立言河中節度使洋王從大任任日用之省絹未填帝以昆仲不之報

晉高祖從父弟贇少而無賴棄其家私竄久落流於民間及帝鎮太原訪求始獲之署為牙校

新刊監本冊府元龜卷第三十九

煥乎成章汎覽典籍取鑑古義以為茲務者固有益於政治誠
聖哲之用心其或攻乎異端溺於小巧肆情閨闈流蕩淫靡者
亦足以為戒也

伏羲氏仰觀象於天俯觀法於地觀鳥獸之文與地之宜近取
諸身遠取諸物於是始畫八卦以通神明之德以類萬物之情
虞舜作歌曰勅天之命惟時惟幾乃歌曰股肱喜哉元首起哉
百工熙哉

殷湯作盤銘曰德日新又日新日日新

周文王重易為六爻作上下篇

漢高帝十二年過沛留置酒沛宮悉召故人父老子弟佐酒祭
沛中兒得百二十人教之歌上擊筑自歌曰大風起兮雲飛揚

威加海內兮歸故鄉安得猛士兮守四方令兒皆和習之

藝文志載

帝歌詩二篇

武帝元狩元年十月行幸雍同五時獲白麟作曰麟之歌

元鼎四年六月得宝鼎后土祠旁秋馬生汜注水中作宝鼎天

馬之歌元鼎五年得鼎分陰作歌元封二年芝生其泉齊房作

齊房之歌二年至甄子臨河決命從臣將軍以不皆負薪塞河

作甄子之歌五年冬南巡狩至於盛唐自尋陽浮江親射蛟江

中獲之舳舻千里薄擬

音千松反

陽而出作盛唐擬陽之歌太初四

年貳師將軍廣列斬大宛王首獲汗血馬來作西極天馬來歌

太始三年二月行幸東海獲赤鴈作朱鴈之歌四年四月幸不

其祠神人于交門宮若有鄉坐拜者作交門之歌又自造賦一

篇

後漢明帝制五家要說章句令桓都校定於宣明殿華嶠書曰
帝自制五行章句此言五家即謂五行之家也

魏武帝翔造大業文武並施御車三千餘年手不捨書晝則講
武策夜則覽經傳登高必賦及造新詩彼之管絃皆成樂章作
氣出唱詞精列詞庭閔山詞雍露詞蒿里詞對酒詞陌上桑詞
短歌行秋胡行苦寒行塘上行善哉行步出夏門行

又特好兵法抄集諸

家兵注名日接人注
孫武十三篇皆於也

文帝年八歲能屬文有逸才遂博貫古今經傳諸子百家之書初
為魏公太子時聞鍾繇有玉玦欲得之而難密使臨畱侯轉因
人說之繇即送之與繇書曰夫玉以比德君子見美詩人晉

之垂棘魯之璆璠宋之結綠楚之和璞價越萬金貴重都城有

稱疇等流聲將來是以垂棘出晉虞號雙擒和璧入秦相如抗

節竊見玉書稱美玉白若截肪黑譬純漆赤擬鷄冠黃侔蒸栗

側聞斯語未觀其狀雖德非君子義無詩人高山景行私所慕

聊然四宝邈焉以遠秦漢未聞有良匠也是以求之曠年未遇厥

真私願不果饑渴未副近見南陽宗惠叔稱君侯昔有美玦聞

之驚喜笑與忤俱當自白書恐傳言未審是以令舍弟子建因

荀仲茂轉言鄙旨乃不忽遺厚見周稱鄴騎既到宝玦初至捧

跪發匣爛然滿目猥以象鄙之姿得觀希世之宝不煩一介之

使不損連城之價既有秦昭章臺之觀而無蘭生跪奪之誑嘉

貺益腆敢不欽承役繇為相國以五熟釜鼎範因太子鑄之釜

成太子與繇書曰昔有夏三鼎周之九宝咸以一体使調一味
豈若斯釜五味時芳蓋鼎之烹飪以享上帝以養聖賢昭德祈
福莫斯之美故非大人莫之能造故非斯器莫宜盛德今之嘉
釜有逾斯美夫周之尸臣宋之考父衛之孔悝晉之魏顛彼四
臣者並以功德勒名鍾鼎今執事寅亮大魏以隆聖化堂之
德於斯為盛誠太常之所宜銘彝器之所宜勒故作斯銘勒之
釜口庶可贊揚洪美垂之不朽銘曰於赫有魏作漢藩輔厥相
惟鍾實幹心膺靖恭夙夜匪違安處百寮師師楷茲矩度久當
與元城令吳質書曰季重無恙途路雖局官守有限願言之懷
良不可任足下所治僻左書問致簡益用百勞每念昔日南皮
之遊誠不可忘既妙六經逍遙百氏彈棊間設終以博奕高談
娛心哀箏順耳馳驚北塲旅食南館浮甘瓜於清泉沉朱李於
寒水暎日既沒繼以朗月同乘並載以游後園輿輪徐勤賓從
無聲清風夜起悲笳微音樂往哀來淒然傷懷余顧而言茲樂
難常足下之徒咸以為然今果分別各在一方元長既逝化為
異物每一念至何時可言方今蕤賓紀辰景風扇物天氣和暖
眾果具繁時駕而遊北遵河曲從者鳴笳以起路文學託乘於
後車節同時異物是人非我勞如何今遣騎到鄴故使枉道相
過行矣自愛二十三年太子文與質書曰歲月易得別來行復
四年三年不見山東猶歎其遠况乃過之思何呼吸雖書疏往
反未足解其勞結昔年疾疫親故多罹其災徐陳應劉一時俱
逝痛何可言耶昔日遊處行則同輿止則接席何嘗須臾相失

每至觴酌流行絲竹並奏酒酣耳熱仰而賦詩當此之時忽然不自知樂也謂百年已分長共相保何圖數年之間零落略盡言之傷心頃選其遺文都為一集觀其姓名已為鬼錄追思昔

游在常

心目而此諸子化為糞壤可傷悼哉觀古今文人類不護

細行鮮以名節自立而偉長獨懷文抱質恬淡寡欲有箕山之志可謂彬彬君子矣著中論二十餘篇成一家之業辭義典雅足垂于後此可謂不朽矣德璉常斐然有述作意才學足以著書美志不遂良可痛惜間歷觀諸子之文對之杖淚既痛遊者行自念也孔璋章表殊健微繁公幹有逸氣但未適耳至其五言詩絕妙當時元瑜書翩翩致足樂也仲宣獨自善於辭賦惜其體弱不足起其文至於所善古人無以遠通也昔伯牙絕弦

於鍾期仲尼覆醢於子路愍知音之難遇傷門人之莫建也諸子但為未及古人自一時之雋也今之存者已不逮矣後生可畏來者難誣然吾與足下不及見也行年已長大所懷萬端時有所慮至乃通夕不暝何時復類昔日已成老翁但未白頭耳光武言年已三十在軍十年所更非一吾德雖不及年與之齊以犬羊之質服虎豹之文無衆星之明假日月之光動見瞻觀何時易邪恐永不復得為昔日游也少壯真當努力年一過往何可攀援古人思秉燭夜游良有以也頃何以自娛頗復有所造述否東望於邑裁書叙心建安末疫癘大起時人雕傷太子咸嘆與所素敬者大里王郎書曰生有七尺之形死為一棺之土唯立德揚名可以不朽其次莫如著篇籍疫癘數起土人雕

傷余獨何人能全其壽故論撰所著典論詩賦蓋百餘篇又使諸儒撰集經傳隨類相從凡千餘篇號曰皇覽黃初六年帝行幸廣陵故城臨江觀兵於馬上為詩帝天資文藻下筆成章博聞強識才藝兼該帝自叙曰余唯喜彈碁略盡其妙少為之賦上雅好詩書文籍雖在軍旅手不釋卷每每定省從容常言人少好學則思專長則善忘長大而能勤學者唯吾與袁伯業耳余過以少誦詩論及長而備歷五經四部史漢諸子百家之言每不畢覽嘗嘉漢文帝之為君寬仁玄默務欲以德化民有賢聖之風時大學諸儒或以為孝文雖賢其於聰明通達國體不如賈誼帝由是著太宗論曰昔有苗不賓重華舞以干戚尉佗稱帝孝文撫以恩德吳王不朝錫之几杖以撫其意而天下賴安乃弘三章之教愷悌之化欲使曩時累息之民得闊步高談無危懼之心若賈誼之才敏籌畫國政持賢臣之器管晏之姿豈若孝文大人之量哉三年之中以孫權不服班太宗論於天下示不願征伐也他日又從容言曰顧我亦有所不取於漢文帝者三殺薄昭幸鄧通慎夫人衣不曳地集上書囊為帳帷以為漢文儉而無法舅后之家但當養育以恩而不當假備以權既觸罪法又不得不害矣其欲秉持中道以為帝王儀表者如是明帝太和四年詔太傅三公以帝典論刻石立于廟門之外

魏初人疑無火浣布文帝以為火性酷烈無含生之氣著之典論其明不然之事絕智者之聽及明帝正詔三公曰先帝昔著典論不朽之格言其刻石于廟門之外及太學與石經並以永示來世景初三年四域使至而獻火浣布焉於是刊滅此論天下笑

帝又作陌上桑詞燕歌行善哉行折楊柳行煌煌京洛行

明帝作苦寒行善哉行步出夏門行擢行歌

高貴公卿寧與中護軍司馬望侍中王沈散騎常侍裴秀黃門侍郎鍾會等講宴於東堂并屬文論名秀為儒林文人沈為文籍先生望會亦各有名號帝性急請召欲速秀在內職到得及時以望在外特給追鋒車虎賁卒五人每有集會望輒奔馳而至

甘露元年二月宴群臣於太極東堂與侍中荀顛尚書崔贊袁亮鍾毓給事中中書令虞松等並講述禮典遂言帝王優劣之差帝慕夏少康漢高祖因問顛等曰有夏既衰后相始滅少康收集夏衆復禹之集高祖板起隴畝驅帥豪門芟夷秦項包舉寓內斯二主可謂殊才易略命世大賢者也考其功德誰宜為

先顛等對曰夫天下重器王者天授聖德應期然後能受命創業至於階緣前緒與復舊績造之與因難易不同少康功德難美猶為中興之君與世祖同流可也至如高祖臣等以為優帝曰自古帝王功德言行原有高下未必創業者皆優紹繼者咸劣也湯武高祖雖俱受命聖賢之分所覺懸殊少康殷宗中興之美夏啓周成守文之盛論德校實方諸漢祖吾見其優未聞其劣顧所遇之時殊所名之功異耳少康生於滅亡之後降為諸侯之隸崎嶇逃難僅以身免能布其德而兆其謀卒滅過戈過戈二克復禹績祀夏配天不失舊物非至德弘仁豈濟斯勳國名漢祖因土摧之勢杖一時之權專任智力以成功業行事動靜多違聖檢為人子則數危其親為人君則囚繫賢相為人父則

不能衛子身歿之後社稷幾傾若與少康易時而處或未能復大禹之績也推此言之宜高夏康而下漢祖矣諸卿且論詳之翌日講業既畢覬亮等議曰三代建國列土而治當其衰弊無土摧之勢可懷以德難屈以力逮至戰國強弱相兼去道德而任智力故秦之弊可以力爭少康以德仁者之美也高祖以力智者之儁也仁智不同二帝殊矣詩書述殷中宗高宗皆列大雅少康過於二宗其為大雅明矣少康為優宜如詔旨贊毓松等議曰少康雖積德累仁然上承大禹遺澤餘慶內有虞仍之援外有靡艾之助寒浞譏慝不德于民澆醜無親外內棄之以此有國蓋有所因至於漢祖起自布衣率烏合之衆以成帝者之業論德則少康優課功則高祖多語資則少康易校時則高祖難帝曰諸卿論少康因資高祖創造誠有之矣然未知三代之世任德濟勲如彼之難秦項之際任力成功如此之易且大上立德其次立功漢祖功高未若少康盛德之茂也且夫仁者必有勇誅暴必用武少康武烈之威豈必降於漢祖哉但夏書淪亡舊文殘缺故勲盛美闕而罔載唯有五員粗述大略其言復禹之績不失舊物祖述聖業舊章不行自非大雅兼才孰能與於此向令卦典具存行事詳備亦豈有異同之論哉於是群臣咸悅服中書令松進曰少康之事去世久遠其文昧如是以自古及今議論之士莫有言者德美隱而宣陛下既垂心遠鑒考計古昔又發德音贊明少康之美使顯於千載之上宜錄以成篇永垂于後帝曰吾學不博所聞淺狹惧於所論未獲其宜

縱有可采億則屢中又不足貴無乃致笑後賢彰吾闇昧乎於
是侍郎鍾會退而論次四月丙辰帝幸大學問諸儒曰聖人幽
贊神明仰觀俯察始作八卦後聖重之為六十四立爻以極數
見斯大義罔有不備而夏有連山殷有歸藏周曰周易易之書
其故何也易博士淳于俊對曰庖犧因燧皇之圖而列八卦神
農演之為六十四黃帝堯舜通其爻三代隨時質文各繇其事
故易者變易也名曰連山似山出氣內連天地也歸藏者萬物
莫不歸藏於其中也帝又曰若使庖犧因燧皇而作易孔子何
以不云燧人氏沒庖犧氏作乎俊不能答帝又問孔子作彖象
鄭玄作注雖聖賢不同其所釋經義一也今彖象不與經文相
連而注之何也俊對曰鄭玄合彖象於經者欲使學者尋省易
了也帝曰若鄭玄合之於學誠便則孔子曷為不合以了學者
乎俊對曰孔子恐其與文王相亂是以不合此聖人以不合為
謙帝曰若聖人以不合為謙則鄭玄何獨不謙邪俊對曰古義
弘深聖問奧遠非臣所能詳盡帝又問曰繫辭云黃帝堯舜垂
衣裳而天下治此庖犧神農之世為無衣裳但聖人化天下殊
異爾耶俊對曰三皇之時人寡而禽獸衆故取其羽皮而天下
用足及至黃帝人衆而禽獸人衆是以作為衣裳以濟時變也
帝又問乾為天而復為金玉為老馬與細物並邪俊對曰聖人
取象或遠或近近取諸物遠則天地講易畢復命講尚書帝問
曰鄭玄云稽古同天言堯同於同天也王肅云堯順考古道而行
之二義不同何者為是博士庾峻對曰先儒所執各有乖異臣

不足以明之然洪範稱三人之言占從二人之言賈馬及書皆以爲順考古道以洪範言之肅義爲長帝曰仲尼言唯天爲大唯堯則之堯之大美在乎則天順考古道非其至者也今發篇聞義以明聖德而舍其大更稱其細豈作者之意邪峻對曰臣奉尊師說未喻大義至於折中裁之聖思次及四嶽舉鯀帝又問曰夫大人者與天地合其德與日月合其明思無不周明無不照今王肅云堯意不能明鯀是以試用如此聖人之明有所未盡邪峻對曰雖聖人之明猶有所未盡故禹曰知人則哲惟帝難之然卒能改授聖賢緝熙庶績所以爲聖人也帝曰夫有始有卒其惟聖人若不能始何以爲聖其言惟帝難之無卒能改授蓋謂知人聖人所難非不盡之言也經云知人則哲能官人若堯疑鯀試之九年官人失敘何得謂之聖哲峻對曰臣竊觀經傳聖人行不能無失是以堯失之四凶周公失之二叔仲尼失之宰予帝曰堯之任鯀九載無成汨陳五行民用昏墊至於仲尼失之宰予言之間輕重不同也至於周公管秦之事亦尚書所載皆博士所當通也峻對曰此皆先賢所擬非臣寡見所能究論次及有鰥在下曰虞舜帝問曰當堯之時洪水爲害四凶在朝宜速登賢聖濟斯民之時也舜年既在位聖德光明而又不用何也峻對曰堯咨嗟求賢欲遜已位嶽曰否德忝帝位堯復使嶽揚峯側陋然後薦舜薦舜之本實由於堯此蓋聖人欲盡衆心也帝曰堯既聞舜而不登用乃使嶽揚側陋而後薦舉非急於用聖恤民之謂也峻對曰非臣愚見所能達

及於是復命講禮記帝問曰太上立德其次務報施為治何由而教化各異皆脩何政而能致於立德施而不報乎博士馬照對曰大上立德謂三皇五帝之世以德化民其次報施謂三王之世以禮為治也帝曰二者致化薄厚不同將王有優劣抑時之然乎照對曰誠由時有樸文故化有薄厚也

四年正月黃龍二見寧陵縣界井中是時龍仍見咸以為吉祥帝曰龍者君德也上不在天下不在田而數屈於井非嘉兆也乃作潛龍之詩以自諷司馬文王見而惡之

晉懷帝即位於東堂聽政至於宴會輒與群臣論衆務考經籍黃門侍郎傅宣歎曰今日復見武帝之世矣

穆帝永和十二年二月辛丑帝講孝經

孝武寧康三年九月親講孝經

後魏明元帝禮愛儒生好覽史傳以劉尚所撰新序說苑於經典正義多有所闕乃撰新集三十篇採諸經古史該洽古義兼資文武焉

孝文帝雅好讀書手不釋卷五經之義覽之便講學不師授採其異旨史傳百家無不該涉善談莊老尤精釋義富有才藻好為文章詩賦銘頌任興而作有大文筆馬上口授及其成也不改一字自大和十年已後詔冊皆帝之文也自餘文章百有餘篇帝遷洛路由朝歌見比干墓愴然悼懷為文以弔之通直常侍劉芳為注解表上之詔曰覽卿注殊為富博但文非屈宋理慙張賈既有雅致便可付之集書帝嘗宴王公侍臣於清微堂

黃門郎崔光郭祚通直郎邢蚩崔林等賦詩言志燭至公卿辭
退學冲再拜上千萬歲壽帝曰卿尚以燭至故辭復猷千萬之
壽朕報卿以南山之詩又親講喪服於清微堂從容謂群臣曰
彥和季豫彭城王總字彥和
北海王詳字季豫等年在蒙稚早登纓紱失過庭之
訓並未習禮每欲令我一解喪服自審義解浮疎抑而不許頃
因酒坐脫爾言從故屈朝彥遂親傳說將臨講坐慙惧交戰御
史中尉李彪對曰自古及今未有天子講禮陛下聖歡淵明垂
超百代臣得親承音旨千載一時

後周明帝幼而好學博覽群書善屬文辭彩溫麗所著文章十
卷

武帝天和二年八月帝御大德殿集百僚及沙門道士等親議
禮記

建德二年十二月集群官及沙門道士等帝升高座辨釋三教
先後以儒教為先道教為次佛教為後

隋文帝開皇五年勅內史令李德林令撰錄作相時文翰勒成
五卷謂之霸朝雜集

煬帝初為晉王好善屬文及為皇太子數有詩書遺牛弘弘亦
有荅其嗣位之後嘗賜弘詩其同被賜詩者至於文詞贊揚無
如弘美

唐太宗貞觀初著金鏡述以示侍臣六年閏八月己巳至慶善
宮宴三品已上於渭之濱帝甚歡賦五言詩

十一年十月辛丑幸集翠池宴五品已上帝曰公等酒既酣各

宜賦一事帝賦尚書時魏徵賦西漢其卒章曰終籍叔孫禮方知黃帝尊帝曰魏徵每言必約我以禮此語極好特宜記錄十二年三月著作郎鄧隆上表請編錄御製詩集不許帝初以功定海內櫛風沐雨不暇於詩書者久矣暨于嗣業進引忠良銳情思政朝夕孜孜求之若不及數年之後道致隆平天下晏如四夷賓服遂於聽覽之暇留情文史敘事言懷時有搆屬天才俊麗與記玄遠博該冊府文過擊玉故隆請編次焉其志不果四月虞世南卒帝悼之未幾帝為詩一篇追思往古興亡之道既而嘆曰鍾子期死伯牙破琴朕之此篇將何所示因令起居郎褚遂良詣其靈帳讀而焚之

十四年三月丁丑帝幸國子學親觀釋奠祭酒孔穎達講孝經帝問穎達曰夫子門人曾閔俱稱文學而今獨為曾說不為閔說何也答曰曾孝能全獨為曾能達也制旨駁之曰朕聞家語云曾皙使曾參鋤衣而誤斷其本皙怒援大杖以擊其背參受仆地絕而復蘇孔子聞之告門人曰參來勿內既而曾子請焉孔子曰舜之事父母也使之常在側欲殺之乃不得小箠則受大杖則走今參於父委身以待暴怒陷父於不義不孝莫大焉由斯而言孰愈於閔子騫也穎達不能對帝又謂侍臣曰諸儒各主異意皆十聖人論孝之本旨也孝者善事父母自家刑國忠於其君戰悼勇朋友信揚名顯親此之謂孝其在經典而論者多離其文迥出事外以此為教勞而非法何謂孝之道邪十七年太子太師魏徵卒帝為製碑文并御書石刻畢停於將

作北門公卿庶士競相模寫車馬填噓日有數千時人號其碑為二絕文與書也

十九年將征遼二月次河陽詔殷少師比干贈太師自為文祭之次鄴經魏太祖墓自為祭文三月幸定州經北岳自為祭文四月行軍總管姜確督兵攻蓋至城中流矢而卒帝甚哀悼為五言詩以悼之

十月班師次漢武臺餘基三城傍有祠堂臺域帝顧問侍臣對曰此是燕齊之士為漢武求仙之處其地俯臨大海長接天岸多峻石竒怪之狀帝製文刻於石

十二月定州御步輦而行攬筆於輦中為詩

二十年正月幸晉祠樹碑製文親書之於石

九月鐵勒諸部俟斤頡利發等遣使相繼而至靈州者數千人咸請云願得天至尊為奴等作可汗子孫常為至尊作奴死無所恨於是北荒悉平帝為五言詩以序其事公卿咸以此詩義兼懲勸可以垂誠將來請勒石於靈州從之

二十一年八月骨利幹國遣使朝貢延陀之敗也詔遣雲麾將軍康野密往慰撫焉其俟斤大悅遣使隨野密入朝獻馬百匹有十四匹尤駿帝竒之各為製名號為十驥其一曰騰霜白其二曰皎雪驄其三曰凝霧驄其四曰懸光驄其五曰決波駒其六曰飛霞驃其七曰發電赤其八曰流金馱其九曰翔鱗紫其十曰奔虹赤帝乃為文以序其事厚待其使

二十二年正月帝撰帝範十二篇賜皇太子顧謂王公曰飭躬

闡政之道備在其中一旦不諱更無所言矣是月幸溫湯御制
溫湯碑以示群臣曰疇昔詞人已以此作朕又為之可得而比
邪王公咸曰天文雜奧超象擊之表前代瓌瓌小詞豈得輒相
比况乃神筆自書勒于溫井之側侍坐王公咸聽於碑陰各紀
姓名官位

三月帝以胡塵無警朔漠來王乃制戎狄賓服之文又制玉華
宮山銘以示群臣詔令學士並作文蕭瑀拜特進參預政事帝
謂房玄齡曰蕭瑀不可以厚利誘之不可以刑戮櫻之真社稷
臣也乃降神筆賜詩曰疾風知勁草板蕩識忠臣帝又追思王
業艱難佐命之力又作威鳳賦以賜司空長孫無忌帝少屬雜
亂久居兵陣及正位以後遂博覽群書總其宏綱殆極萬卷通

文麗藻一時冠絕學王羲之書窮盡體制物論以為帝數年之
內經史屬綴宮商自口起起居即傾耳揮翰百不紀一焉

高宗為太子時貞觀二十二年二月引庶子少詹事司儀舍人
等入乃從容而言曰文章詞賦平生所愛然未之為也今日風
景殊佳當與公等賦詩言志於是援筆以制序翌日太宗以皇
太子詩序示王公曰朕觀太子此文及筆迹進於常日司徒長
孫無忌對曰皇太子稟承大訓文章筆札群藝日新是歲太子
制玉華宮山銘又獻玉華宮賦

永徽五年五月制萬年宮銘刻石於永光門外仍令中書門下
及文武三品以上并學士自書名位碑陰而刻之
顯慶二年六月帝製元首前星維城股肱等誠以示侍臣禮部

尚書弘文館學士許敬宗等表請班示天下帝謙不許敬宗又上表請總名為天訓並請注解許之及注畢敬宗為之序十月幸鄭州次汜水帝以先帝於汜水擒竇建德因平王充於是刻石立頌以紀功自為頌文

五年三月幸並州童子寺賦詩而還

十二月校獵於長社之安樂川召侍臣及蕃長讌帝賦詩以紀講習之事

龍朔元年冬十月狩於南山製東狩詩以示群臣

麟德二年封禪十一月丁酉至平陰是日降雪帝賦詩皇后和咸亨四年十一月帝自製樂章有上元二儀三才四時五行六律七政八風九宮十洲得一慶雲之曲以示群臣令太常行之

儀鳳二年七月宴百寮及諸親於九成宮之咸亨殿酒酣帝賦

詩作百梁體皇太子霍王元軌相王輪群臣相次繼作

中宗神農三年八月乙未親送朔方軍總管韓國公張仁亶於通化門外帝製序賦詩

十月庚子幸兵部尚書常嗣立遂封立為逍遙公帝親製序賦詩

高宗好學草工隸尤愛文字訓誥之書

玄宗開元八年親製春雪詩春臺望一章二十八句起居舍人蔡孚奏曰伏見所製氣雄詞美德音相屬鄙矣漢之奢侈狗有唐之儉陋知作勞而居逸念中人之家產用心如此天下斯安臣職在司言請宣示百寮及編國史手詔答朕以聽政之餘因

時遊囑觀古人之制度懷先王之卑菲聊述所覽直書其事雖
文詞非麗亦不忘於言卿職在史官君舉必記將以朕之素意
班示庶寮循諷表章益深祇勉

十年親注孝經頒於天下

十一年行幸北都親製起義堂頌刻石紀功于太原府之南街
十二年十二月幸東都至華州命刺史徐知仁與信安王禕勤
石于華藏祠南之通衢帝親製其文及親札信安王禕上言曰
臣伏見御制西嶽碑文來從上玄光照下土群臣捧戴遊聖難
名臣聞天作高山氣雄茲嶽壓洪河而傑起凌蒼昊而孤標近
當國門用固京邑自巨靈開拓徃帝巡遊精意常聞頌聲則未
非勝賞難就蓋詞翰無能不遇非常之君孰觀非常之事陛下

知其若此金聲而玉振之乃發揮睿詞幽贊神化廣大極天地
光明融日月至理洞清微至功含造化合而成體散而成章魏
乎煥乎不可得而稱也又復親運絳筆寫在香牋隨手生姿入
神變態勢如飛動妙絕古今諒得之自然豈因之外物對揚天
體臣子之常也美而無述過莫大焉請以御製碑文頒示四海
使伊昔之后自愧不才學士之臣咸知所謂則雖死之日猶生
之年從之

十三年封東嶽禮畢製紀泰山銘親札勒於山頂之石壁

十四年十月幸汝州至溫揚之行宮時屬雨雪帝親賦雨雪詩
以示群臣

十一月幸寧王憲宅與諸王宴探韻賦詩即日還宮

十五年五月端午宴群臣于武成殿各賜衣一幅自賦詩

六月朔方節度使兵部尚書蕭嵩赴朔方軍命有司於定鼎門外供帳置酒以送之帝賦詩以光寵之

十二月幸溫泉宮登驪山石甕寺賦詩俾群臣和焉

二十一年十一月二十一日紀后土於睢上帝自為文禮畢令所司刻石於祀所

二十五年八月甲子帝制訓誡六篇以示諸王其旨蓋明君臣父子之義齋祭稼穡之事也忠王璵等上表請宣付史官及示百寮許之宰臣李林甫等奏曰臣等伏以聖謨垂訓輝映千古頒示朝廷未及天下無望宣布中外手詔諭曰周公聖人攝行王政誠伯禽曰無以魯國驕人朕方聖雖慙豈忘誠子聊示廷訓何足以宣布中外焉

天寶二年五月以重注孝經頒天下詔曰化人成俗率由於德本移忠教敬實在於孝經朕思暢微言以理天下先為注釋尋亦頒行猶恐至蹟難明群疑未盡近更探討因而筆削兼為敘述以究源流將發明於大順庶開悟於末學宜付所司頒示中外

四載帝請洪範至無偏無頗而聲不和韻因改頗為陂下詔曰典謨既作雖曰不刊文字或訛豈必相襲朕臨政之暇乙夜觀書匪徒閱於微言實歆暢於精理每讀洪範至無偏無頗遵王之誼三復斯文並皆協韻唯頗一字實則不輪又周易泰卦中無平不陂釋文云陂字亦有頗音陂之與頗訓詁無別為陂則

文亦會意為頗則聲不成文應由煨燼之餘編簡墜缺傳授之際差舛相沿原始要終須有刊革朕雖非先覺兼訪諸儒僉以為然終非獨斷其尚書洪範無偏無頗字宜改為陂庶使先儒之義去彼膏肓後學之徒正其魚魯仍宣于國學

五載詔曰道為禮本孝實天經將闡教以化人必深究於微音朕欽承聖訓覃思玄宗頃改道德經載字為哉仍隸屬上句及乎議定眾以為然遂錯綜真全因成注解又孝經舊疏雖粗發明幽晦探頤無遺猶未能備今敷暢以廣闕文且妙本逾玄微言久絕或怡然獨得或參以諸家庶弘聖哲之規用叶君親之義仍令集賢院且寫送付所司頒示中外

八載九月皇太子生日帝製仁孝詩六章札於步障以賜太子令中宮高力士以示朝臣宰相李林甫陳希烈等奏曰伏見陛下因太子生日撰仁孝詩障子并書臣等伏以宸章煥發睿札凝暉懸日月而覺光自雲霄而下濟驚心靡據動色相觀太子稟自生知備承聖訓冲姿有裕令望夙彰陛下示以義方形於翰墨爰於誕育之日勗以仁孝之經上揚祖宗之美旁考天人之濟錫類所弘教義斯遠足可發揮前古垂範將來凡在衣冠之流咸知父子之道豈比周稱嗣續造齒胃於上庠漢寵元良但招賢於望苑王化之本實此知歸人倫所資罔不由教臣等瑣陋謬典樞衡特奉鴻私幸覩殊貺捧天書而竊抃仰聖澤以無寧無任悅豫之至望寫六章頒示中外兼編諸簡策傳之不朽手詔報曰詩者志之所之也將以道達性情宣揚教義耳朕

承五聖之業受萬方之寄主鬯叶於神心元良貞於國本美其踐履仁孝恭修友睦深慰于中不覺形之諷詠今請具寫六章頒示中外兼編諸簡冊以傳不朽亦欲自家形國以訓人倫宜依來請

十載十月御朝元閣有慶雲是帝賦詩群臣畢和

十四載三月御勤政樓宴群臣帝賦詩效柏梁體群臣畢和

肅宗屬詞興麗經史百家莫不該覽目所一見常如誦習

上元二月七月甲辰延英殿御座生玉芝一莖三花御製玉靈芝詩三章八句是歲李光弼出統河南諸軍帝於內殿宴送御製詩以寵之群臣畢和

德宗貞元元年河東節度馬燧還太原製宸宸台衡二銘并序

四年三月甲寅宴百寮於麟德殿設九部樂及內出舞馬帝製序及詩以賜群臣於是給御筆仍命屬和

九月癸丑百寮宴於曲江詔曰今日重陽卿等遊賞朕遙想歡洽欣慰良多情發於衷因製詩序今賜卿等一本仍令中書門下簡定文士三五十人應制同用清字明日內於延英門進其文武百寮及文士欲和者聽翌日百寮畢和帝考其詩以劉太真孝紆四人為上等鮑防于頔四人為次等張濛劉滋等二十二人為平等李晟馬燧李泌三人宰相不加考第

六年三月庚子百寮宴於曲江亭帝賦詩以賜之

七年七月帝幸章敬寺賦詩序皇太子在侍進和兼題于壁百寮畢和以班列焉其後京兆尹薛珏請皇太子書帝詩序刻石

而填之以金

九年正月庚辰朔帝御含元殿受朝賀禮畢帝賦退朝觀軍仗歸營詩以示宰臣等

十年九月十日以重陽日宴賜百寮追賞初九日以兩罷宴及是方會宴帝賦詩以賜百官

十一年九月癸卯賜中書門下及兩省供奉官宴於曲江帝作詩賜百寮百寮畢和辛亥退朝召百寮詣延英令中使宣諭曰昨九日聊示所懷文非工也卿等屬和雅麗深所加之

十二年帝以聽政之餘深思理本廼著刑政箴

十三年九月重陽節賜宰臣及兩省供奉官宴於曲江賜中書門下及百寮詩

十四年二月帝製中春麟德殿會百寮觀新樂詩仍令皇太子書以示百寮

十七年二月朔賜群臣宴于曲江帝命中使薛盈珍賜詩九月重陽節賜群臣宴于曲江命中使劉希昂宣慰帝賜詩

十八年九月重陽節御製豐年多慶九月示懷詩以賜群臣

憲宗元和四年九月帝以天下無事留意墳典每覽前代興亡得失之事皆三復其言又讀貞觀開元實錄見太宗撰金鏡書及帝範上下篇玄宗撰開元訓誡思繼前躅遂採尚書春秋後傳史記班范漢書三國志晉書晏子春秋新序說苑等書君臣行事可為龜鏡者集成十四篇一曰君臣道合二曰辨邪正三曰戒權倖四曰戒微行五曰任賢臣六曰納忠諫七曰慎征伐八

曰慎刑法九曰去奢泰十曰崇節儉十一曰獎忠直十二曰修德政十三曰諫畋獵十四曰錄勲賢分為上下卷帝自製其目曰前代君臣事跡至是以其書寫于屏風列之御座之右復遣中使程文幹以書屏六扇至中書宣示宰臣李藩裴垍曰朕近撰此屏風常所觀覽故令暫將示卿藩等上表稱賀

文宗即位每對宰臣等未嘗不深言經學李石因奏施士丐春秋堪讀上曰朕嘗覽之穿鑿之學徒為異同耳學者如鑿井然得美水則已何必辛苦傍求然後為得也

太和五年五月帝纂集尚書中君臣事跡命工圖寫於太液亭朝夕觀覽

九年五月乙巳朔以御集春秋左氏列國經傳三十卷宣付史

館

開成元年三月庚申帝幸龍首池觀內製暮春喜雨詩云風雲喜際會雷雨遂流滋薦幣虛陳禮動天寶精思漸浸九夏節復在三春時霖霖垂朱闕飄飄入綠墀郊坰既霑足黍稷有豐期百辟同憂樂萬方佇雍熙宰相文武百官咸有屬和

三年帝夏曰與學士聯句帝曰人皆苦炎熱我愛夏日長柳公權曰薰風自南來殿閣生微涼

宣宗雅好儒術或宰臣出鎮即賦詩以贈之詞皆清麗

昭宗天復三年三月壬寅御延喜樓餞送未全忠還汴帝自為詩以送之

好文

易曰觀乎天文以察時變觀乎人文以化成天下此言觀乎天文可以察變觀乎人文可以化成也王者奉若天時順乃人理來同區宇班政函夏風教所資文學為始故聖明之世鑒寐以永聽賦誦之聲覽辨麗之作則欣聞想見恨不同時延鴻筆之士闕詢林之館則諷上化下賡唱迭和蓋以潤色皇猷助成盛業故引諭之音不絕乎耳開悟之說有益於心時既隆平物亦咸若垂衣裳而舞干戚其漸於斯乎

漢武帝世蜀人楊得意為狗監主天子田獵犬也侍帝帝讀子虛賦而

喜之曰朕獨不得與此人同時哉得意曰臣邑人司馬相如自言為此賦帝驕乃召相如相如曰有是然此乃諸侯之事未足觀請為天子游獵之賦帝令尚書給筆札書奏天子以為即後

相如既病免家居茂陵天子曰司馬相如病甚可往從悉取其

書若後之矣若汝也言汝今去已在池人後也所忠往使者姓名也而相如已死家

無所遺書問妻對曰長卿未嘗有書也時時著書人又取去長

卿未死時為一卷書曰有使來求書奏之其遺札書言封禪事

書于禮而留之故云遺札所忠奏焉天子異之言助為會稽太守入奉計最

因留侍中有奇異輒使為文謂非常之文及作賦誦數十篇

宣帝徵能為楚辭九江被公被姓也音皮義反召見誦讀益召高才劉

向張子僑華龍柳褒等侍詔金馬門華音戶化反神爵五鳳之間天

下殷富數有嘉應帝頗作歌詩欲與協律之事今王褒與張子

僑等並侍詔數從褒等放獵放土眾火獵也一曰游放及田獵所幸宮館輒為

歌頌第其高下以差賜帛議者多以為淫靡不急帝曰不有博

奕者乎為之猶賢乎已此論語載孔子之詞言博奕雖依道藝無事為之猶賢也奕今之圍碁也

辭賦大者與古詩同義小者辨麗可喜喜好也音辟如女工有許吏反

綺縠音樂有鄭衛辟辭曰譬今世俗猶皆以虞說耳目虞與娛同說讀曰悅辭

賦比之尚有仁義風諭風讀曰諷鳥獸草木多聞之觀賢於倡優博

奕遠矣帝又循武帝故事招遷名儒俊材置左右劉更生以通

達能屬文辭與王褒張子僑等並進對子僑官至光祿大夫進對謂進見而對詔命也

僑字或作喬或作橋皆音戶驕切獻賦頌凡數十篇元帝謂太子時喜王褒所

為甘泉及洞簫頌喜音許史切今後宮貴人左右皆誦讀之

後漢光武初隗囂為西州大將軍囂賓客掾吏多文學士每所

上事當世士夫皆諷頌體故帝有所辭答尤加意焉

班彪為竇融從事及融徵還京師帝問曰所上章奏誰與參之

融對曰皆從事班彪所為帝雅聞彪才因召入見

明帝時賈逵明左氏傳國語為之解詁五十一篇永平中上疏

獻之帝重其書寫藏秘館時有神雀集宮殿官府冠羽有五采

色帝異之以問臨邑使劉復復不能對薦逵博物多識帝乃召

見逵問之對曰昔武王終父之業鸞鷲在岐宣帝威懷戎狄神

雀仍集此胡降之徵也帝勅蘭臺給筆札使作神雀頌拜為郎

與班固並校秘書應對左右

宣帝雅好文章班固愈得幸數入讀書禁中或連日繼夜每行

巡狩輒獻上賦頌朝廷有大議使難問公卿辨於前賞賜恩寵

甚渥東平王蒼薨詔告中傳蒼自建武以來章奏及所作書記

賦頌七言別字歌詩並集覽焉後巡狩方嶽崔駰上四巡頌以

賦頌七言別字歌詩並集覽焉後巡狩方嶽崔駰上四巡頌以

稱嘆德帝雅好文章自見駟頌後帝嗟嘆之謂侍中竇富曰卿
寧知崔駰乎對曰班固數為臣說之然未見也帝曰公愛班固
西忽崔駰此葉公之好龍也試請見之時揚終坐事徙北地帝
東巡狩鳳皇黃龍並集終贊頌嘉瑞上述祖宗鴻業凡十五章
奏上詔貫還故郡

魏文帝深好孔融文辭每嘆曰揚班儔也募天下有上孔融文
章者輒賞以金帛

明帝青龍四年置崇文觀徵善屬文者以充之

高貴公卿甘露二年五月辛未幸得群雍會命群臣賦詩侍中
和道尚書陳騫等作詩稽留有司奏免官詔曰吾以暗昧愛好
文雅廣延詩賦和以得失乃爾紛紜良用反反其原道等主者

宜勅自今以後群臣皆當翫習古義修明經典稱朕意焉又引
侍中王沈及裴秀數於東堂講讌屬文號沈為文籍先生秀為
儒林文人

晉武帝雅好典籍王珣殷仲堪徐邈王恭郝恢等並以才學文
章見昵於帝

後魏孝文太和十九年車駕幸兗州召刺史崔挺赴行在所及
見引喻優厚又問挺治邊之略因及文章帝甚悅謂挺曰別卿
已來儻焉二載吾所綴文已成一集今日擁旄者悉皆如此吾
何憂哉

高聰為輔國將軍與賊交戰望風退敗徙平州為民行屆瀛州
刺史王質獲白兔將獻託聰為表帝見表顧謂王肅曰在下郡

得復有此才而今朕不知也爾曰比高聰北徙此文或由所制
帝悟曰必應然也何應更有此輩

後周明帝時宇文神舉為中侍上士帝方留意翰林而神舉雅
好篇章帝每有遊幸神舉常得侍從又庾信自梁歸國帝既雅
好文學信特蒙恩禮至於造膝諸王周旋款至有若布衣之交
群公碑誌多所請託唯王褒與信頗相埒自餘文人莫有逮者
褒與庾信才名最高特加親待帝每遊宴命褒等賦詩談論常
在左右

隋煬帝初為晉王時柳詵為諮議參軍帝好文雅招引才學之
士諸葛穎虞世南王胄朱瑒等百餘人以充學士而詵為之冠
帝以師友處之每有文詞必令其潤色然後示人

庾自直大業初為著作佐郎自直解屬文於五言詩尤善性恭
慎不妄交遊特為帝所愛帝有篇章必示自直令其詆訶自直
所難帝輒改之至於再三俟稱善然後方出其見親禮如此

唐太宗時虞世南為秘書監太宗重其博物每機務之隙引之
談論共觀經史唐國獻獅子詔世南為之賦命編之東觀

文崇開成元年二月癸未宰臣奏事于紫宸殿帝曰從來文格
非佳昨試進士題目是朕自出所見詩賦似勝去年宰臣李石
曰陛下改詩賦格調以正頽俗高錯亦能屬精取士仰副聖旨
帝曰四方表奏不典實而尚浮巧者宜罰掌書記石曰古人因
事為文今人以文害事懲弊抑末實在盛時帝曰但效古為文
自然体尚高遠時又詔兵部尚書王起進文場秀句一卷九月

初秘書省及集賢院應欠書四萬五千二百六十一卷配諸道
繕寫十一月又詔兵部尚書王起進國朝已來能詩人名字
馮定為太常少卿統樂立於廷帝以端凝若植問其姓氏翰林
學士李珣奏定之名帝喜問曰豈非能為古章句者邪遂召於
階帝自吟定送客西江詩吟罷益喜因錫以禁中瑞錦仍命大
錄所著古體詩以獻尋遷諫議大夫

宣宗留心貢舉曾於殿柱帝自題曰鄉貢進士

周世宗時扈載初為監察御史嘗遊相國寺僧院睹其庭竹翠
色可愛乃作碧鮮賦留題於其院帝聞之命黃門就其院錄之
以進俄拜水部員外郎知制誥

新刊監本冊府元龜卷第四十

